

# ***Ilanngussaqq 2***



INATSISARTUT

**Naalakkersuisut Siulittaasuat  
Ineqarnermut Attaveqaqatigiinnermullu  
Naalakkersuisoq  
/Maani**

**Dato:** 06. september 2018

**J.nr.:** 01.31.29-00382

**Sisamangornermi ulloq 6. september 2018-imi, nal. 13.30,  
ataatsimiittarfik Erling Høegh-imi siunersiorneqarnissamik aggeqqusissut.**

Inatsisartut suleriaasianni § 19 naapertorlugu siunersiorneqarnissamut Naalakkersuisut Siulittaasuat aamma Ineqarnermut Attaveqaqatigiinnermullu Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

**Aningaasaqarnermut Ataatsimiititaliap oqaaseqaatai apeqqutaalu:**

Nutaamik mittarfiliortiternissamut danskit aningaasaleeqataasinnaanerat pillugu ministeriunermik oqaloqatiginninnerit pillugit ilisimatitsissut isertuussassaq Aningaasaqarnermut Akileraartarnermullu Ataatsimiititaliamit ulloq 16. juli 2018-imi tiguneqarpoq. Ilisimatitsissumi tassani oqaatigineqarpoq suleqatigiittiap taaneqartup sulinera mittarfiliortiternissaq pillugu Naalakkersuisut inatsissatut siunnersuutaata UKA 2018-imi Inatsisartunit naammassillugu suliarineqarnissaa sioqqullugu naammassiniarneqartoq.

Ilisimatitsissut taanna siunersiuinissami sammeneqassaaq aammalu suliami killiffik kiisalu suliap ingerlaqqinnissaanut Naalakkersuisunit naatsorsuutigineqartut pillugit ilisimatinneqarnissani ataatsimiititaliap kissaatigaa.

Ataatsimiititaliap naliliivoq suliaq taanna mittarfiliornissanut annertuusumik pingaaruteqarsinnaasoq, taamaalillunilu aamma mittarfiliortiternissat pillugit siunnersuummut Aningaasaqarnermut Akileraartarnermullu Ataatsimiititaliap isumaliutissiissusiorluni sulineranut.

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akornanni pingaarnersiuilluni tulleriiarinerit anguniakkallu pillugit naalakkersuinermut tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguinngua uunga nassiunneqarnissaa qinnutigineqarpoq: [saam@ina.gl](mailto:saam@ina.gl). Allakkiap ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

**Indkaldelse til samråd med Finans- og Skatteudvalget torsdag den 6. september 2018,  
kl. 13.30 i mødelokale Erling Høegh.**

I medfør af § 19 i Inatsisartuts forretningsorden indkalder Finans- og Skatteudvalget hermed Formanden for Naalakkersuisut og Naalakkersuisoq for Boliger og Infrastruktur til samråd.

**Finansudvalgets bemærkninger og spørgsmål:**

Finans- og Skatteudvalget modtog en fortrolig orientering af 16. juli 2018 om drøftelser med statsministeren om mulig dansk deltagelse i finansieringen af anlæggelse af nye lufthavne. I denne orientering nævnes at nævnte arbejdsgruppes arbejde søges afsluttet forud for Naalakkersuisuts lovforslag om lufthavnsprojekterne færdigbehandles i Inatsisartut på EM 2018. Temaet for samrådet er denne orientering og udvalgets ønske om opdatering i sagen og Naalakkersuisuts forventninger til det videre forløb.

Det er udvalgets vurdering, at denne sag kan have væsentlig betydning for lufthavnsprojekterne, og dermed Finans- og Skatteudvalgets arbejde med sin betænkning vedr. forslaget om lufthavnsprojekterne.

Det kan påregnes, at der stilles opfølgende spørgsmål under samrådet.

-----

Udvalget har som målsætning, at et samråd i videst mulige omfang skal tage form af en politisk drøftelse imellem medlemmet af Naalakkersuisut og udvalget – typisk om prioriteringer og målsætninger. Ved den mundtlige drøftelse bør så vidt muligt benyttes frit foredrag. Udvalget ønsker endelig at modtage et notat på grønlandsk og dansk om foranstående spørgsmål i forlængelse af samrådet. Notatet bedes sendt elektronisk til [saam@ina.gl](mailto:saam@ina.gl) senest umiddelbart efter samrådet. Såfremt notatet medbringes og anvendes under samrådet bedes en kopi givet til udvalgets tolk og udvalgssekretær umiddelbart ved samrådets begyndelse.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



**Naalackersuisut Siulittaasuat**  
**/Maani**

**Ulloq:** 06. september 2018

**J.nr.:** 01.31.29-00382

**Aningaasaqarnermut Akileraartarnermullu Ataatsimiititaliamik sisamangornermi ulloq 6. september 2018, nal. 13.30 Erling Høeghip ataatsimiittarfiani siunnersiueqateqarnerup malitseqartinnera.**

Nutaamik mittarfiliortiternissamut danskit aningaasaleeqataasinnaanerat pillugu ministeriunermik oqaloqatiginninnerit pillugit ilisimatitsissut isertuussassaq Aningaasaqarnermut Akileraartarnermullu Ataatsimiititaliamit ulloq 16. juli 2018-imi tiguneqarpoq. Ilisimatitsissummi tassani oqaatigineqarpoq suleqatigiittiap taaneqartup sulinera mittarliortiternissaq pillugu Naalackersuisut inatsissatut siunnersuutaata UKA 2018-imi Inatsisartunit naammassillugu suliarineqarnissaa sioqqullugu naammassiniarneqartoq.

Suliaq taanna mittarfiliornissanut, taamaalillunilu mittarfiliassat pillugit Aningaasaqarnermut Akileraartarnermullu Ataatsimiititaliap isumaliutissiissusiorluni sulineranut assut pingaaruteqarsinnaasutut nalilerneqarpoq. Statsministerimik oqaloqateqarneq kiisalu tamatuma kingorna sulineq pivoq mittarfissat nutaat sananeqarnissaannik Inatsisartut inatsisissaattut siunnersuutip Naalackersuisunit saqqummiunneqarnerata kingorna. Siunnersuutip Inatsisartunit aappassaaneerineqarnissaanut mittarfiliassat pillugit siunnersuummut isumaliutissiissumminik tunniussinnginnermini ataatsimiititaliap isummerfigisinnaasaanik suleqatigiissitap sulinerani killiffiup ataatsimiititaliamit paasisaqarfiginissaa pissutsit taamaannerisa nukinginnarsisippaa.

Tamannalu suliaq pillugu Naalackersuisup Siulittaasuanik aammalu Ineqarnermut Attaveqarnermullu Naalackersuisumik ataatsimiititaliap siunnersiuinissamut aggersaaneranut tunngaviuvoq. Naalackersuisuni akisussaaffinnik agguataarineq pissutigalugu Ineqarnermut Attaveqarnermullu Naalackersuisoq siunnersiuinermi peqataassinnaagunangitsoq Naalackersuisut Siulittaasuata ataatsimiititaliamut paasisutissiissutigaa.

Suliami malinnaatinneqarnissamik ataatsimiititaliap kissaataa aammalu nutaanik mittarfiliornissap aningaasalersorneqarnissaani danskit peqataasinnaanerat pillugu Naalackersuisut statsministerimik oqaloqateqarnerata ingerlaqqinnerani Naalackersuisut naatsorsuutigisaat siunnersuineri qulequtarineqarput.

Suliaq pillugu naatsumik eqikkaanerup kingorna Naalackersuisut siulittaasuat ima paasisutissiivoq:

- Suliaq ingerlasoq suli inaarutaasumik inerineqanngitsoq
- Inaarutaasumik inernerusussaq qaqugu pigineqalerumaarnersoq Naalackersuisunit nalornissutigineqartoq

- Suleqatigiissitap suliaata inernerera Naalakkersuisunit ilisimaneqanngitsoq
- Suleqatigiissitap suliaata inernerera pigineqalertinnagu Naalakkersuisut iliuuseqassanngitsut
- Suliaq inaarutaasoq danskit aningaasaleeqataanissaannut, toqqaannartumik aningaasaliinissaannut imaluunniit taarsigassarsisitsinissaannut siunnersuummik immaqamaqarsinnaasoq, Naalakkersuisulli imarisaanik ilisimasaqanngimmata.

Kiisalu aningaasat amerlasuut aatsaat pineqarpata suliap inernerera Naalakkersuisunit aatsaat isummerfigineqassasoq Naalakkersuisut siulittaasuata oqaatigaa. Tassunga Naalakkersuisut piunasaqaataat koruunit hundrede millionilikkaajusut oqaatigineqarpoq. Tamatuma peqatigiisaanik Naalakkersuisut siulittaasuata oqaatigaa assersuutigalugu 5-10 mio. kr.-it pineqarpata danskit peqataanissaannik siunnersuut soqutiginaannimmata. Naalakkersuisut siulittaasuata erseqqissarpaa Naalakkersuisut naleqquttumik qisuariarnissaat Naalakkersuisut piareersaraat, apeqqutaatinnagu suleqatigiissitap taaneqartup qanoq inassuteqaateqarnissaa.

Suliap ingerlanneqarnera eqqarsaatigalugu 2018-imi ukiakkut ataatsimiinnissaq sioqqullugu suleqatigiissitap suliamik naammassinnissanersoq Naalakkersuisut Siulittaasuannit naatsorsuutigineqarnera ilaasortanit ujartorneqarpoq. Naalakkersuisut siulittaasuata uteqqippaa suleqatigiissitap qaqugu naammassissanersoq ilisimaneqanngitsoq aammalu suleqatigiissitap angusai Naalakkersuisunit utaqqineqartut. Apeqqummut tassunga akissut ataatsimiititaliamut assut pingaaruteqarpoq aammalu suleqatigiissitap sulianerata inernereri, taakkunungalu Naalakkersuisut qisuariaataat ataatsimiititaliap isumaliutissiissummini suliarisariaqassavai. Taamaattumillu suliami tassani piaartumik paasinarsisitsisoqassasoq ataatsimiititaliamit neriuutigineqarpoq.

Suliap inernerera pigineqaleriarpat ataatsimiititaliap ilisimatinneqassanersoq pillugu apeqqut Naalakkersuisut siulittaasuata akuersarpaa. Suliami tamatumani qanoq aalajangertoqarnissaa pillugu Naalakkersuisut siulittaasuata oqarpoq inaarutaasumik aalajangiisussat tassaasut Inatsisartut. Taamatut oqarneq suliap inerneranik Naalakkersuisut qaqugu Aningaasaqarnermut Akileraartarnermullu Ataatsimiititaliamut saqqummiussilersaarnersut pillugu apeqqummut akissutigineqarpoq.

Ataatsimiititaliamit isumaqatigineqarpoq inatsisissatut siunnersuut suut piunasaqaatit malilugit akuerineqassanersoq itigartinneqassanersorluunniit Inatsisartut aalajangigassarigaat. Tamanna aamma Kalaallit Airports A/S-imut aningaasaleeqataasinnaannissamik ministeriunermik isumaqatigiissusiorsinnaanermut atuuppoq. Ataatsimiititaliap suliaasaaraa inatsisissatut siunnersuutinik ataatsimiititaliamit suliarineqartussatut innersuunneqartunik suliarinneq aammalu siunnersuut qanoq iluseqarluni Inatsisartunit akuerineqartariaqarnera pillugu inassuteqarnissaa taarsiulluguluunniit siunnersuutit itigartinneqarnissaanik inassuteqarneq.

Paasissutissanik erseqqinnerusunik amigaateqarneq eqqarsaatigalugu Naalakkersuisunit oqariartuutigineqartup siuliani taaneqartup qanoq isumaqarnera ataatsimiititaliamit sammiumaaneqarpoq:

- *”... Suliaq inaarutaasoq danskit aningaasaleeqataanissaannut, toqqaannartumik aningaasaliinissaannut imaluunniit taarsigassarsisitsinissaannut siunnersuummik immaqamaqarsinnaasoq, Naalakkersuisulli imarisaanik ilisimasaqanngimmata.”*

Naalakkersuisut Aningaasaqarnermut Akileraartarnermullu Ataatsimiititaliamut ilisimatitsisutitut allagaanni isertuussassani qitiutillugu sammineqarpoq ataatsimiititaliamit eqqumaffigeqquneqassaaq, tassani ilaatigut paasissutissiissutigineqarluni:

”... ministeriuneq Naalakkersuisullu Siulittaasuat isumaqagitiipput ”... *nutaanik mittarfiliortiternissaq qallunaanit aningaasaleeqataaffigineqarsinnaaneranut tunngasut aammalu taamaaliortoqassappat tamassuma qanoq iliorluni pisinnaanissaata ataatsimoorluni qulaajarneqarnissaa*”

Nangilluni ataatsimoorullugu suleqatigiissitatut pilersinneqartoq pillugu ilaatigut allasimavoq:

”... *taassuma nassuiaasiornermik suliaqarnissaq suliasaraa aamma naalackersuinikkut isummertoqarnissaa siunertaralugu aningaasaleeriaasissani danskit peqataasinnanerannut tunngatillugu siunnersuummik suliaqassaaq.*”

Ataatsimiititaliap tamanna ima paasivaa; inatsisissatut siunnersuutip aningaasalersuinermit tunngasortaa suleqatigiissitamit sulissutigineqassasoq, tassa ingaasaliinissamut tunngasortaa Kalaallit Airports A/S-ip mittarfinnik piginnittut isumagisassaa pinnagu. Ataatsimiititaliaq isumaqarpoq taama oqariartuuteqarnerup kingunerisassai inatsisissatut siunnersuummut saqqummiunneqartumut sanilliullugit sukumiisumik nalilerneqartariaqartut. Taamaattumillu tamanna pillugu allannguutissatut siunnersuutaajunnartunik Naalakkersuisut saqqumiinialersaarnersut passerusullugu ataatsimiititaliap kissaatigaa.

Mittarfissat aningaasalersorneqarnissaat pillugu aalajangersakkat inatsisissatut siunnersuummi kapitali 3-mi allasimapput. Tassani allasimavoq sanaartornermut aningaasartuutit nammineq aningaasaatigisat atorlugit kiisalu taarsigassarsinikkut aningaasalersorneqassasut, tak. § 4, imm. 2. Piginneqatigiissummik aningaasaliissuteqarnissaq, akisussaaffeqarfiusumik taarsigassarsinissaq aningaasaatinillu ilasinissaq inatsisissatut siunnersuummi § 5-imi aamma 6-imi maleruagassatigut tunngavissinneqarpoq. Avataanit aningaasanik pissarnissaq inatsisissatut siunnersuummi § 7-imi maleruagassatigut tunngavissinneqarpoq, tassani allasimalluni taarsigassarsianut avataanit taarsigassarsiaritinneqartunut imaluunniit nunatta karsiata Kalaallit Airports A/S-imut taarsigassarsiatut ingerlateqqitassaatur taarsigassarsiai Aningaasaqarnermut Akileraartarnermullu Ataatsimiititaliamit akuerineqassasut. Ataatsimiititaliap isumaa malillugu suleqatigiissitap sulinera Kalaallit Airports A/S-ip nammineq aningaasaatissaanik avataaneersunillu aningaasatissaanik aningaasalersuineq pillugu inatsisissatut siunnersuummi aalajangersakkanut kinguneqanngitsoornavianngilaq. Aamma taakku inatsisissatut siunnersuummut saqqummiunneqartumut sanilliullugit sukumiisumik nalilerneqartariaqassapput. Taamaattumillu tamanna pillugu allannguutissatut siunnersuutaajunnartunik kinguarsaaner-taqanngitsumik ilisimatinneqarnissani ataatsimiititaliap kissaatigaa.

Aningaasaleeqataaneq aammalu taarsigassarsisitsineq Naalakkersuisut siulittaasuannit imikkooortinneqarmata tamanna atatsimiititaliamit ima paasineqarsinnaavoq; danskit piginneqataaleratarsinnaasut, taamaalillunilu Namminersorlutik Oqartussat kisimiillutik piginnittuujunnaassasut. Danskit avataaneersutut taarsigassarsisitsippata tamatuma § 7 naapertorlugu tunngaviusumik kingunerisinnaavaa nunatta karsiata taarsigassarsiamut tamatumunnga qularnaveeqqusiinera imaluunniit taarsigassarsisuunera Kalaallit Airports A/S-imullu taarsigassarsianik ingerlatitseqqinnera. Taamaattumillu suleqatigiissitap angusassai, pigineqaleriarpata ataatsimiititaliamut nassiunneqartussat Naalakkersuisut siulittaasuannit neriorsuutigineqartut ataatsimiititaliamit pissanngatigineqarput.

Sermitsiamit KNR-imilu ullumi allaaserisat:

Siuliani allasimasunut nangissutitut allaaserisat taakku ataatsimiititaliap iserfiginngitsoor-sinnaanngilai. Assersuutigalugu KNR allappoq Naalakkersuisut siulittaasuat Kim Kielsen aamma statsminister Lars Løkke Rasmussen Hans Egedep Illuani ataasinngorpa nal. 13.45

tusagassiortunik katersortitsissasut. Allaaserisami tassani taaneqarpoq Statsministereqarfik Naalakkersuisullu tusagassiorfinnut nalunaarummi taama allattut.

Ataatsimiititaliap allaaserisat pillugit apeqqutai:

Apeqquut 1) Tusagassiortunik katersortitsinissaq taaneqartoq qanga aalajangerneqarpa? Apeqquummut tunuliaqutaavoq apeqqut taanna ippassaq sisamangornermi nal. 13.30 Aningaasaqarnermut Akileraartarnermullu Ataatsimiititaliamit siunersiorneqarnermi Naalakkersuisup siulittaasuanit toqqaannartumik akineqannginnera.

Apeqquut 2) Statsministerip isumaqatigiinniaqatigineqarnissaani imarisassat Naalakkersuisut siulittaasuata qanga ilisimasaqarfigilerpai? Sermitsiami allaaserisat ullumimeersoq ataatsimiititaliamit innersuussutigineqarpoq. Apeqquummut tunuliaqutaavoq suleqatigiissitap sulinerata inernera ilisimasaqarfiginngikkini siunersiuinermi Naalakkersuisut siulittaasuata oqarnera. Allaaserisami allassimavoq:

*"Suleqatigiissitamik pilersitsisoqarpoq aasaq, tassani kalaallit danskillu atorfillit 30-it ilaasortanngortinneqarput.*

*Suleqatigiissitami Kim Kielsenip Naalakkersuisoqarfiani pisortaq Søren Hald Møller siuttutut inissimavoq."*

Apeqquut 3) Suleqatigiissitap suna suliarineraa aammalu suleqatigiissitap suliamini qanoq angusaqartiginera ippassaq siunersiuinermi qanoq ililluni ilisimassanngilaa?

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



**Naalakkersuisut Siulittaasuat  
/Maani**

**Ulloq:** 10. september 2018

**J.nr.:** 01.31.29-00382

**Mittarfiliassat pillugit Naalakkersuisut Siulittaasuata Statsministerimik  
ataatsimeeqateqarnissaa.**

Naalakkersuisut Siulittaasuat

Statsministerimik isumaqatiginninniarnep naammassinissaa sioqqullugu ullumi nal. 11.30 siunersiuinissamut Naalakkersuisut Siulittaasuat Aningaasaqarnermut Akileraartarnermullu Ataatsimiititaliamit aggersarneqarpoq. Ataatsimiititaliamit kalerrisaarutigineqartut piffissaliussami siunersiorneqarnissamut periarfissaqarnani Naalakkersuisut Siulittaasuata paasisstissiiisutigaa. Nalinginnaasumik piffissaliunneqartartumit sivikinnerungaartumik piffissaqartitsilluni siunersiuinissamut aggequsineq pisoq ataatsimiititaliap ilisimaaraa. Tamatumunngali tunngaviuvoq isumaqatigiissutip ullumi Naalakkersuisut Siulittaasuannit Statsministerimillu atsiorneqartussatut naatsorsuutigineqartup imarisaanik paasitineqarnissaq ataatsimiititaliamit kissaatigineqarmat. Isumaqatigiissutip ATSIORNEQANNGINNERANI paasisstissat taakku pissarsiarineqarnissaat ataatsimiititaliamut aalajangiisuulluinnarsimavoq. Isumaqatigiissutip atsiorneqannginnerani imarisaanut isummerfiginninnissamut periarfissineqanngineq ataatsimiititaliamit naammagineqanngilluinnarpoq. Taamaattumillu imarisaanik ataatsimiititaliamut ilisimatitsisoqarsimatinnagu oqaaseqarfiginissaanullu periarfissiisoqarsimatinnagu isumaqatigiissut atsiorneqassanngitsoq ataatsimiititaliamit kaammattuutigineqarpoq. Ataatsimiititaliap akulilutsinneqannginnera suliassamut, mittarfissat pillugit inatsisissatut siunnersuummik ataatsimiititaliamut innersuussinikkut, Inatsisartunit suliakkiunneqartumut ataqqinninnginnertut taamaallaat paasineqarsinnaavoq. Ataatsimiititaliaq isumaqatigiittoq sinnerlugu.

Inussiarnersumik inuulluaqqusillunga

Hermann Berthelsen

Aningaasaqarnermut Akileraartarnermullu Ataatsimiititaliap siulittaasua





**Inatsisartut Siulittaasoqarfiat**  
**/Maani**

Ulloq: 2. oktober 2018

J.nr.: 01.31.29-00382

**Mittarfiliornissamik pilersaarutininik ataatsimiititaliap suliaqarneranut atatillugu Aningaasaqarnermut Akileraartarnermullu Ataatsimiititaliap saaffiginnissutaanik Naalakkersuisut siulittaasuata isumaginninnera pillugu naammagittaalliut.**

Nutaamik mittarfiliortiternissamut danskit aningaasaleeqataasinnaanerat pillugu ministeriunermik oqaloqatiginninnerit pillugit ilisimatitsissut isertuussassaq Aningaasaqarnermut Akileraartarnermullu Ataatsimiititaliamit ulloq 16. juli 2018-imi tiguneqarpoq. Ilisimatitsissummi tassani oqaatigineqarpoq suleqatigiissitap taaneqartup sulinera mittarfiliortiternissaq pillugu Naalakkersuisut inatsisissatut siunnersuutaata UKA 2018-imi Inatsisartunit naammassillugu suliarineqarnissaa sioqqullugu naammassiniarneqartoq.

Suliaq taanna mittarfiliornissanut, taamaalillunilu mittarfiliassat pillugit Aningaasaqarnermut Akileraartarnermullu Ataatsimiititaliap isumaliutissiissusiorluni sulineranut assut pingaarteqarsinnaasutut nalilerneqarpoq. Statsministerimik oqaloqateqarneq kiisalu tamatuma kingorna sulineq pivoq mittarfissat nutaat sananeqarnissaannik Inatsisartut inatsisissaattut siunnersuutip Naalakkersuisunit saqqummiunneqarnerata kingorna. Siunnersuutip Inatsisartunit aappassaaneerneqarnissaanut mittarfiliassat pillugit siunnersuummut isumaliutissiissumminik tunniussinnginnermini ataatsimiititaliap isummerfigisinnaasaanik suleqatigiissitap sulinerani killiffiup ataatsimiititaliamit paasisaqarfiginissaa pissutsit taamaannerisa nukinginnarsisippaa.

Tamannalu suliaq pillugu Naalakkersuisup Siulittaasuanik aammalu Ineqarnermut Attaveqarnermullu Naalakkersuisumik ataatsimiititaliap siunersiuinissamut aggersaananerat tunngaviuvoq. Naalakkersuisuni akisussaaffinnik agguataarineq pissutigalugu Ineqarnermut Attaveqarnermullu Naalakkersuisoq siunersiuinermi peqataasinnaagunangitsoq Naalakkersuisut Siulittaasuata ataatsimiititaliamut paasisutissiissutigaa. Siunersiuineq pivoq sisamanngornermi ulloq 6. september (takuuk ilanngussaq 1).

Suliami malinnaatinneqarnissamik ataatsimiititaliap kissaataa aammalu nutaanik mittarfiliornissap aningaasalersorneqarnissaani danskit peqataasinnaanerat pillugu Naalakkersuisut statsministerimik oqaloqateqarnerata ingerlaqqinnerani Naalakkersuisut naatsorsuutigisaat siunersiuinermi qulequtarineqarput.

Ajoraluartumik siunersiorneqarnermini Naalakkersuisut siulittaasuata ataatsimiititaliamut anertunerusumik oqaluttuassaqanngilaq. Suliaq pillugu naatsumik eqikkaanerup kingorna Naalakkersuisut siulittaasuata taamaallaat ilaatigut paasisutissiissutigisinnaavaa:

- Suliaq ingerlanneqartoq suli inerneqanngimmat

- Suliaq inerneqartinnagu Naalakkersuisut iliuuseqalersaanngitsut
- Suleqatigiissitap suliaata inerneranik Naalakkersuisut ilisimasaqanngitsut
- Suliap inernerata immaqa imarisinnaagaa danskit aningaasaleeqataanissaannik, danskit toqqaannartumik aningaasalersuinissaannik imaluunniit taarsigassarsisitsinissaannik siunnersuut

Suliap ingerlanneqarnera eqqarsaatigalugu 2018-imi ukiakkut ataatsimiinnissaq sioqqullugu suleqatigiissitap suliamik naammassinnissanersoq Naalakkersuisut Siulittaasuannit naatsorsuutigineqarnerasoq ilaasortanit ujartorneqarpoq. Naalakkersuisut siulittaasuata uteqqippaa suleqatigiissitap qaqugu naammassissanersoq ilisimaneqanngitsoq aammalu suleqatigiissitap angusai Naalakkersuisunit utaqqineqartut. Apeqqummut tassunga akissut ataatsimiititaliamut assut pingaaruteqarpoq aammalu suleqatigiissitap sulinerata inerneru, taakkunungalu Naalakkersuisut qisuariaataat ataatsimiititaliap isumaliutissiissummini suliarisariaqassavai. Taamaattumillu suliami tassani piaartumik paasinarsisitsisoqassasoq ataatsimiititaliamit neriuutigineqarpoq.

Suliap inerneru piareerniariarpat ataatsimiititaliap ilisimatinneqassanersoq pillugu apeqqummut Naalakkersuisut siulittaasuata siullermik akivoq Inatsisartut tassaasut inaarutaasumik aalajangiisussat. Isumaqatigiissutip imarisaanik ilisimasaqalernissaq ataatsimiititaliamit kissaatigineqarmat apeqqut uteqqinneqarpoq, tamatumani suleqatigiissitap suliaminik naammassinninniariarpat ataatsimiititaliap ilisimatinneqassanersoq pillugu erseqqissumik nalunaarfigineqarnissaq ataatsimiititaliamit kissaatigineqarluni. Tamanna uppersarneraqarpoq. Taamaattumillu isumaqatigiissut Naalakkersuisunit tiguneqarniariarpat imarisaasa tiguunissaat ataatsimiititaliamit naatsorsuutigineqarpoq. Isumaqatigiissutip atsiorneqarnerata kingorna isumaqatigiissut ataatsimiititaliamit aatsaat tiguneqarpoq.

Naalakkersuisut siulittaasuata Statsministerillu isumaqatigiissutaat pillugu ataasinngornermi aggersumi ulloq 10. september Hans Egedep Illuani Statsministeri peqatigalugu tusagassiorunik katersortitsinissaq pilersaarutigineqarnerasoq siunersuineru toqqaannartumik apeqqutigineqarpoq. Apeqqut akineqanngilaq. Taarsiullugu Naalakkersuisut siulittaasuata uteqqippaa suliaq ingerlasoq suli naammassisamik angusaqarfiumngitsoq aammalu suleqatigiissitap angusai pillugit Naalakkersuisut ilisimasaqanngitsut. Taamaattumillu angusaqartoqartinnagu iliuuseqartoqalersaanngitsoq. Apeqqutip uteqqinneqarnerani assinganik akissuteqartoqarpoq.

Naalakkersuisup siulittaasuanik siunersuinerup aqaguani tallimannornermi ulloq 7. september ullaakkut ataatsimiititaliamut ilaasortat tusagassiorfinni atuarsinnaavaat Naalakkersuisut siulittaasuata Kim Kielsen aamma Statsminister Lars Løkke Rasmussen ataasinngornermi ulloq 10. september nalunaqutaq 13.45 Hans Egedep Illuani tusagassiorunik katersortitsiniartut. Allaaserisami tassani oqaatigineqarpoq tusagassiorfinnut nalunaarut Statsministereqarfimmit Naalakkersuisunillu allanneqarsimasoq.

Ulloq taanna ataatsimiititaliap apeqqutinik pingasunik Naalakkersuisut siulittaasuannut nassiussivoq:

1. Tusagassiorunik katersortitsinissaq taaneqartoq qanga aalajangerneqarpa?
2. Statsministerip isumaqatigiinniaqatigineqarnissaani imarisassat Naalakkersuisut siulittaasuata qanga ilisimasaqarfigilerpai?
3. Suleqatigiissitap suna suliarineraa aammalu suleqatigiissitap suliamini qanoq angusaqartiginera ippassaq siunersuineru qanoq ililluni ilisimassanngilaa?

Apeqqutinut akissummik ataatsimiititaliap suli tigusaqanngilaq (takuuk ilanngussaq 2).

Kiisalu isumaqatigiissutip imarisaanik Naalakkersuisut siulittaasuata ilisimasaqanngitsoq isumaqatigiissutissatut missingiusiap imarisai Folketingimi partiinut allanut Statsministerip Lars Løkke Rasmussenip qanoq ililluni isumaqatigiinniutigisinnaasimanerai ataatsimiititaliamit eqqumiigineqarpoq.

Statsministerimik isumaqatiginninniarnep naammassinissaa sioqqullugu 10. september, nal. 11.30 siunersiuinissamat Naalakkersuisut Siulittaasuata Aningaasaqarnermut Akileraartarnermullu Ataatsimiititaliamit aggersarneqarpoq (takuuk ilanngussaq 3). Ataatsimiititaliamit kalerrisaarutigineqartut piffissaliussami siunersiorneqarnissamat periarfissaqarnani Naalakkersuisut Siulittaasuata paasissutissiissutigaa. Nalinginnaasumik piffissaliunneqartumit sivikinnerungaartumik piffissaqar-titsilluni siunersiuinissamat aggeqqusineq pisoq ataatsimiititaliap ilisimaaraa. Tamatumunngali tunngaviuvoq isumaqatigiissutip ulloq taanna Naalakkersuisut Siulittaasuannit Statsministerimillu atsiorneqartussat naatsorsuutigineqartup imarisaanik paasitinneqarnissaq ataatsimiititaliamit kissaatigineqarmat.

Isumaqatigiissutip imarisaa ataatsimiititaliamut ilisimatitsissutigineqarsimatinnagu oqaaseqarfigineqarsimatinnagulu isumaqatigiissummik atsiuinnginnissaanik Naalakkersuisut siulittaasuannut kaammattuummik ataatsimiititaliaq tusagassiortunik katersortitsinissaq sioqqutitsiarlugu nassiussivoq. Kaammattuulli malinneqanngilaq.

Ataatsimiititaliap akulilutsinneqannginnera suliassamat, mittarfissat pillugit inatsisissatut siunnersuummik ataatsimiititaliamut innersuussinikkut, Inatsisartunit suliakkiunneqartumut ataqqinninnginnertut taamaallaat paasineqarsinnaavoq.

Naalakkersuisut siulittaasuata Statsministerillu isumaqatigiissutaata atsiorneqarnissaa sioqqullugu taassuma imarisaanik Ataatsimiititaliamut ilisimatitsinissamik neriorsuutini Naalakkersuisut siulittaasuata eqquutsissimangikkaa ataatsimiititaliaq naqissusiivoq.


Naalakkersuisut siulittaasuata ataatsimiititaliamik ilisimatitsisimanginnera ataatsimiititaliamit eqqumiigineqarpoq.

Sisamangornikkut siunersiuisoqareersoq tallimangornikkut ullaap tungaa tusagassiutitigut paasineqarpoq ataasinnornermi Naalakkersuisut siulittaasuata Statsministerilu tusagassiortunik aggersaasut. Tamaammat ataasinnornermi atsiortoqartinnagu ataatsimiititaliaq ilisimatinneqarusulluni siunersiuinissamat aggersaagalarpoq. Ataatsimiititaliap siunersiuinissamat aggeqqusissutaa Naalakkersuisut siulittaasuannit ataqqineqartariaqartoq ataatsimiititaliaq isumaqarpoq.

Ataatsimiititaliami amerlanerussuteqartut Inuit Ataaqatigiinneersut, Demokraatineersut aammalu Partii Naleqqameersut Siulittaasoqarfimmut saaffiginninnermini kissaatigaa Aningaasaqarnermut Akileraartarnermullu Ataatsimiititaliap Naalakkersuisut siulittaasuannit pineqarnera Naalakkersuisut siunissami Inatsisartut ataatsimiititaliaasa tungaannut pissusilersornissaannut maligassiussanngitsoq. Ataatsimiititaliami amerlanerussuteqartut isumaat malillugu imaattariaqarpoq; ataatsimiititaliat Inatsisartunit peqquneqarlutik suliannut Naalakkersuisut, minnerunngitsumillu Naalakkersuisut siulittaasuata ataqqinnittariaqartut.

Suliaq matumani pineqartoq Siulittaasoqarfimmit malitseqartinneqassasoq ataatsimiititaliami amerlanerussuteqartunit kissaatigineqarpoq, ataatsimiititaliallu kissaatigaa Inatsisartut ilisimatinneqassasut.

Inussiarnersumik inuulluaqqusillunga



Sara Olsvig

Aningaasaqarnermut Akileraartarermullu Ataatsimiititaliap siulittaasuata tullia



Inatsisartut Aningaasaqarnermut Akileraartarnermullu Ataatsimiititaliaat  
Att: Ataatsimiititaliap allattaa Sakariaq Amondson

**Najoqqutassanik, Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaattut siunnersuutip 27. juni 2018-imi inatsisip teknikkimut tunngasortaanik saqqummiussinermi atugassanik katersuinissamut allagaq malinnaatitaaq.**

25-06-2018  
Suliaq normu: 2017-24538  
Allakkiaq normu: 31062321

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

Asasara Ataatsimiititaliap

Siullermik inatsisissatut siunnersuutip pingaarutillip matuma saqqummiunnissaanut periarfissinneqarama qujassutigaa.

Ilisaritsissutip ilanngunneqartup, siunnersuummi aalajangersakkat ataasiakkaat siornatigut aalajangersagaasimasunut sanilliussinernik, skemanngorlugit inissititerneqartunik imaqartinneqartup saniatigut allagaatinik pingaarutilinnik allanik arlalinnik, suliasamat paasititsiniaanermi iluaqutaasinnaasunik katersuivunga.

Allagaatit imatut takussutissiorneqarput:

- Inatsisissatut siunnersuummi aalajangersakkat ataasiakkaat, kiisalu tusarnianerup ingerlanera pillugit saqqummiussineq
- Tallimangornermi 3. juni 2016-imi Aningaasaqarnermut Akileraartarnermullu Ataatsimiititaliap aalajangiinera pillugu Naalakkersuisunut ilisimatitsissut
- Kalaallit Airports A/S – Pilersitsineq pillugu allakkiaq
- Kalaallit Airports A/S – Malittarisassat
- Inuiaqatigiit aningaasaqarnerannut kingunerisassanik misissueqqissaarneq Alloriarneq 2 – titarnilersorneqanngitsoq
- Inuiaqatigiit aningaasaqarnerannut kingunerisassanik misissueqqissaarnerup eqikkarnera
- 17. november 2017-imi mittarfiit pillugit ilisimatitsiviusumik ataatsimiititsineranut atatillugu ataatsimiititaliap apeqquteqaataanut akissutitut allakkiaq
- Pingasunngornermi 15. november 2008-mi Aningaasaqarnermut Akileraartarnermullu Ataatsimiititaliap aalajangiinera pillugu Naalakkersuisunut ilisimatitsissut
- 2015-imiit maannamut suliap ingerlanera pillugu saqqummiineq
- Kalaallit Airports A/S – niuernerumut aningaasalersuinissamullu pilersaarut
- Mittarfiit pillugit Inatsisartut inatsisaat nr. 12, 5. december 2008-meersoq

Ataqqinnittumik Inuiaqatigiit aningaasaqarnerannut kingunerisassanik misissueqqissaarneq Alloriarneq 2 tamakkiisoq aamma Kalaallit Airports A/S-ip

niuernermut aningaasalersuinissamullu pilersaarutaa ilanngunneqartut isertuunneqarlutik suliarineqarnissaat qinnutigaara.

Paasissutissat taakku ilaasa tamanut ammasumik saqqummiunneqarneranni Kalaallit Airports A/S-ip taarsigassarsinermit atugassarititaasunik iluanaarnartunik atuisinnaaneranut periarfissai akornuserneqarsinnaapput, kiisalu neqerooruteqartitsinissami neqeroorutaasut akitsorsarneqarsinnaallutik. Tamanna mittarfiliortiternermi sanaartornermut akiusunut missiliorneqartunut tamarmiusunut qaffatsisisinnaavoq.

Inatsissatut siunnersuutip ataatsimiititaliamit suliarineqarneranut atatillugu Deloitte-p inuiaqatigiit aningaasaqarnerannut kingunerisassanik misissueqqissaarneq Alloriarneq 2-mik immikkut ittumik saqqummiussinissaa neqeroorutigisinnaavara.

Taamatuttaaq Kalaallit Airports A/S-ip niuernermut aningaasalersuinissamut pilersaarutaanik Kalaallit Airports A/S-ip saqqummiussinissaa neqeroorutigisinnaavara. Taanna maanna tuluttuinnaq pigineqarpoq, kisiannili nutserneqareeruni nassiunneqarumaarluni.

Inussiarnersumik inuulluaqqusillunga

  
Simon Simonsen



Inatsisartut Aningaasaqarnermut Akileraartarnermullu Ataatsimiititaliaat, ulloq 27. juni 2018

**Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaattut siunnersuut**

*- Inatsisip teknikkimut tunngasortaanik misissuineq, Naalakkersuisoq Simon Simonsen-imit*



# Takussutissiaq



	Inatsimmi §	Oqaasertaliussat	Ingerlateqqinneqarnera	Oqaaseqaat
Kapitali 1	1	Naagga	Ilaannaasumik	Ingerlatseqatigiiffinnut inatsisit
Kapitali 2	2	Naagga	Aap	KAIR-p maleruagassaani §2
	3	Naagga	Aap	KAIR-p maleruagassaani §2
Kapitali 3 <i>Aningaasalersuineq</i>	4	Naagga	Aap	Kapitalip aallartinnera
	5	Nr. 1	Aap	Imm. 2. nutaaq
	6	Nr. 1	Aap	Imm. 4. nutaaq
	7	Nr. 4	Aap	
Kapitali 4 <i>Mittarfinnut neqerooruteqartitsineq kiisalu atorfinitsitsinermut tunngasut</i>	8	Nr. 5	Aap	
	9	Nr. 5	Aap	Erseqqissarneqaqqippoq
	10	Naagga	Naagga	Sulinggiffeqarnermut tunngasut pisariillisarneqarnerat
	11	Naagga	Naagga	Peqqissutsimut tunngasunut maleruagassiuineq
	12	Naagga	Naagga	Oqaasertaliussanik erseqqissaaneq
	13	Naagga	Naagga	Pensioninut tunngasunik erseqqissaaneq
Kapitali 5	14	Naagga	Naagga	KAIR-ip niuerfiinik immikkoortiterineq
	15	Naagga	Aap	Mittarfinnut inatsimmiit inatsisitigut tunngavissanik nuussineq
Kapitali 6	16	Naagga	Naagga	Attaveqaatinik malittaasunik paasiniaaneq
	17	Nr. 3	Aap	
Kapitali 7	18	Naagga	Aap	Inatsimmi atuuttumi pioreerpoq
Kapitali 8	19	Nr. 6	Aap	Ilaa inatsimmi atuuttumi pioreerpoq
Kapitali 9	20	Nr. 2	Aap	
Kapitali 10	21	Naagga	Naagga	Atuutilerfissaa





# §1

## Kapitali 1 – Siunertaq aaqqissuussaannerlu

- Inatsisissatut siunnersuummi Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit aalajangersarneqarnissaat siunertarineqarpoq.
- Imm. 2 Kalaallit Airports A/S-ip aaqqissuussaanerata sapinngisamik siunertamut aaqqiinissamut eqaatsumik ilusilerneqarnissaanik pilersitsiviuvuq. Tusarniaanermi Kalaallit Airports A/S-ip akissuteqaataa tunngavigalugu taanna ilanngunneqarpoq.
- Aktianik piginneqatigiiffiit assigiinngitsunik ilusilerneqarsinnaanerat periarfissaareerpoq. Aalajangersakkami Qaqortoq taarsigassarsititsisussanut ersarinnerulersinneqarpoq. Qaqortumi mittarfissaq imminut akilersinnaangilaq maannalu immikkoortillugu suliarineqarsinnaalerluni. Taamatuttaaq tamanna suliffeqarfimmi pissutsinik ersarinnerulersitsissaaq.
- ❖ ”§ 1. Inatsisartut inatsisaanni Nuummi Ilulissanilu nunani tamalaani mittarfiit kiisalu Qaqortumi nunap immikkoortuani mittarfiup sananeqarnissaannut, aningaasalersorneqarnissaannut ingerlanneqarnissaannullu Kalaallit Airports A/S-imut sinaakkutissatut piumasaqaatit aalajangersarneqarput, taamaattoq takuuk § 3, imm. 2.
- ❖ Imm. 2. Kalaallit Airports A/S suliassat imm. 1-imi pineqartunut ilaasut isumaginissaannut ingerlatseqatigiiffimmik immikkoortortamik ataatsimik arlalinnilluunniit 100%-imik pigineqartumik pilersitsisinnaavoq, taamatullu Namminersorlutik Oqartussat suliassat imm. 1imi pineqartunut ilaasut isumagineqarnissaannut ingerlatseqatigiiffinnik piginnittunik imaluunniit ingerlatseqatigiiffinnik suleqatigisanik pisariaqartunik 100%-imik pigineqartunik pilersitsisinnaapput.”

Inatsimmi §	Oqaasertaliussat	Ingerlateqqinneqarnera	Oqaaseqaat
1	Naagga	Ilaannaasumik	Periarfissaq ingerlatseqatigiiffinnut inatsimmi nassaarineqarsinnaavoq



## §2

### Kapitali 2 – Mittarfiit nutaat

- Kalaallit Airports A/S-ip pilersinneqarnerani Nuummi, Ilulissani Qaqortumilu mittarfiit, taamaalillunilu aamma suliffeqarfiit, sanaartukkat illullu taakkununnga atasut sanaartorneqarnissaat, pigineqarnissaat ingerlanneqarnissaallu siunertarineqarpoq.
- Mittarfiit ataasiakkaat sanaartorneqarnerini, mittarfeqarfinnik mittarfinnillu taakkuninnga atasunik sanaartornissamut maleruagassat atuuttut isiginiarneqassapput. Matumani mittarfiit pillugit Inatsisartut inatsisaat 2008-meersoq inatsisillu attuumassutillit allat, taakkununngalu angallannermut aqutsisoqarfiup mittarfinnik sanaartornermut aalajangersagai pineqarput.
- ❖ ”§ 2. Kalaallit Airports A/S-ip Nuummi aamma Ilulissani nunani tamalaani mittarfiit, taakkununnga aallartarfinnut tikittarfinnullu atortut kiisalu attaveqaqatigiinnermut aamma suliaqarnernut, sanaartukkanut illutanullu tassunga assingusunut aqqissuussinert ilanngullugit, sanassavai, pigissavai ingerlatissallugillu.”
- ❖ § 2-p oqaasertaasa Kalaallit Airports A/S-ip malittarisassaanni, 3. marts 2017-imi § 2-p oqaasertai assigai.

Inatsimmi §	Oqaasertaliussat	Ingerlateqqinneqarnera	Oqaaseqaat
2	Naagga	Aap	KAIR-ip malittarisassai



## §3

### Kapitali 2 - Mittarfiit nutaat

- Siunnersuut malillugu suliassat pisortani oqartussaasunut allanut imaluunniit ingerlatseqatigiiffinnut Namminersorlutik Oqartussanit pigineqartunut – soorlu Mittarfeqarfinnut – tunniunneqarsinnaaneri pillugu aalajangiinissamut Naalakkersuisut piginnaatinneqarput.
- Qaqortumi mittarfiup amigartooruteqarfiunissaa naatsorsuutigineqarpoq. Taamaattumik mittarfiup taassuma sananeqarnissaa immikkoortinneqarnissaalu eqqarsaatigineqarsinnaavoq.
- ❖ ”§ 3. Kalaallit Airports A/S-ip Qaqortumi nunap immikkoortuani mittarfik, tassungalu aallartarfinnut tikittarfinnullu atortut kiisalu attaveqatigiinnermut aamma suliaqarnernut, sanaartukkanut illutanullu tassunga assingusunut aqqissuussinerit ilanngullugit, sanassavai, pigissavai ingerlatissallugillu.
- ❖ Stk. 2. Suliassat imm. 1-imi pineqartunut ilaasut aammalu aningaasartuutit tassunga atasut pisortani sullissivimmut allanut imaluunniit ingerlatseqatigiiffimmut Namminersorlutik Oqartussanit pigineqartumut tunniunneqarsinnaasut, Naalakkersuisut aalajangersinnaavaat.”
- ❖ § 3, imm. 1-ip oqaasertai Kalaallit Airports A/S-ip malittarisassaanni, 3. marts 2017-imi ullulerneqartuni § 2-p assigai.

Inatsimmi §	Oqaasertaliussat	Ingerlateqqinneqarnera	Oqaaseqaat
3	Naagga	Aap	KAIR-ip malittarisassai

# §4

## Kapitali 3 - Mittarfiit nutaat sanaartornissaannut aningaasalersuinissaq



- Mittarfiit sanaartorneqarnissaannut aningaasartuutit aningaasalersornerini Kalaallit Airports A/S-ip tunngaviusumik mittarfinnik piginnittuunissaa, tamatumalu kingorna ingerlatsinissaa aalajangiusimaneqassaaq.
- Aalajangersakkat kapitali 2-mut aammalu kapitali 3-mi aalajangersakkat sinnerinut atasutut isigineqassapput. Tamatuma saniatigut § 4 siunnersuummi §§ 5-7-imut sukumiinerusumik maleruagassiuussinermut aallarniutitut atuutissaaq.
- ❖ **”§ 4. Kalaallit Airports A/S-ip Inatsisartut inatsisaat manna naapertorlugu Nuummi aamma Ilulissani nunani tamalaani mittarfiit kiisalu Qaqortumi nunap immikkoortuani mittarfiup sanaartorneqarnerinut aningaasartuutit akilissavai, taamaattoq takuuk § 3, imm. 2. Sanaartornermut aningaasartuutit nammineerluni aningaasaatit aqutugalugit kiisalu taarsigassarsinikkut aningaasalersorneqassapput.”**

Inatsimmi §	Oqaasertaliussat	Ingerlateqqinneqarnera	Oqaaseqaat
4	Naagga	Aap	Kapitalip aallartinneranut



# Aningaasaqarnermi kisitsisit pingaarnerit

Nammineq aningasaatinut akileeataassutit (Namminersorlutik Oqartussat):	2,1 mia. kr.
Taarsigassarsilluni aningaasalersuineq (KAIR):	1,4 mia. kr.
Sanaartornerup akia tamarmiusoq:	<u>3,5 mia. kr.</u>

- Namminersorlutik Oqartussat **2,1** mia. koruunit tikillugit taarsigassarsinissamut qularnaveeqqusiissapput, kisiannili taamaallaat **1,4** mia. koruuninik taarsigassarsinissaq pisariaqartinneqassasoq Kalaallit Airports A/S-imit naatsorsuutigineqarpoq.
- Kalaallit Airports A/S taarsigassarsisuusaaq.
- Kalaallit Airports A/S-ip niuernermut aningasalersuinissamullu pilersaarutaa malillugu ingerlatseqatigiiffimmi sinneqartooruteqartarnek ilutigalugu akilersuisoqarsinnaavoq. Tamanna Alloriarnek 2-mi misissueqjissaarnermut ilanngunneqarpoq.

# §5

## *Kapitali 3 - Mittarfiit nutaat sanaartornissaannut aningaasalersuinissaq*



- §5-imi tunngasut ataatsimut:
- § 5-imi Naalakkersuisut katillugit 2,1 mia. koruunit tikillugit Kalaallit Airports A/S-ip nammineerluni aningaasaataannut aningaasaleeqataassuteqarnissamut piginnaatinneqarput.
- Nammineerluni aningaasaatinut aningaasaleeqataassutissat ukiut tallimat missaasa ingerlanerini akilerneqartassapput. Nammineerluni aningaasaatinut aningaasaleeqataassutissat, Namminersorlutik Oqartussat nammineerluni aningaasaatinut aningaasaleeqataassutissanut aningaasaliissutissatut isertitaqartarnerat malillugu akilerneqartassapput.
- Naalakkersuisut Kalaallit Airports A/S-ip taarsigassarsinissaanut atugassatut Namminersorlutik Oqartussat katillugit 2,1 mia. koruunit tikillugit Kalaallit Airports A/S-imi nammineerluni aningaasaatinut aningaasaleeqataassuteqarnissaannik pituttuiffiusumik nalunaaruteqarsinnaapput. Nalunaarummut Nuummi Ilulissanilu nunani tamalaani mittarfinnut nammineerluni aningaasalersuutissat ilaat, kiisalu Qaqortumi nunap immikkoortuani mittarfimmut nammineerluni aningaasalersuutissat tamakkiisut ilaatinneqarsinnaapput.
- Nalunaarut pituttuisoq taarsigassarsititsillutik aningaasaliisussanut toqqissisimalersitsissapput.

# §5 imm. 1

## Kapitali 3 - Mittarfiit nutaat sanaartornissaannut aningaasalersuinissaq



- ❖ ”§ 5. Namminersorlutik Oqartussat Inatsisartut inatsisaat manna naapertorlugu Nuummi aamma Ilulissani nunani tamalaani mittarfiit sananeqarnissaannut aningaasartuutit ilaannut nammineerluni aningaasalersuinissamut kiisalu Qaqortumi nunap immikkoortuani mittarfiup tamakkiisumik nammineq aningaasalersornissaanut atugassanik aningaasanngorlugit 2,1 mia. koruunit tikillugit aktianut taarsigassarsianullu akisussaaffeqarfiusunut aningaasaliillutik Kalaallit Airports A/S-imut qulakkeerinnissapput.
- ❖ 2018-imut Aningaasanut Inatsimmi kontomut pingaarnermut 10.13.11 oqaasertaliussaq nr. 1:
  - ”Iluanaarutit, pissarsiat, aktianik tunisinerit, ataasiartumik aningaasartuuteqarnerit, kontomi pingaarnermi 80.00.10 Sanaartugassanut Iluarsagassanullu Aningaasaateqarfimmi utertitat sanaartornermi sulianut atuinikipallaarsimanernit utertitsinerit imaluunniit ataasiartumik isertitat assingusut aqcutigalugit isertitanik immikkut ittunik Nunatta Karsiata qanoq annertutigisunik tigusaqarnera apeqqutaalluni **Kalaallit Airports A/S-ip Nuummi, Ilulissani Qaqortumilu mittarfiliornissamut nammineerluni aningaasaatinut akileeqataassutissatut katillugit 2,1 mia. kr.-it tikillugit nalilinnik atuisinnaanissamik Naalakkersuisut piginnaatinneqarput.** Aningaasaatinik qaffaaneq pappiaqqat nalillit akianut 100-mut imaluunniit Naalakkersuisut qaffasinnerusumik aalajangigaanut akiliisoqarsinnaavoq.”

Inatsimmi §	Oqaasertaliussat	Ingerlateqqinneqarnera	Oqaaseqaat
5	Nr. 1	Aap	

# Oqaasertaliusseq nr. 1-imi aningaasalersuiffiusussat:

## Kapitali 3 - Mittarfiit nutaat sanaartornissaannut aningaasalersuinissaq



- 1. Namminersorlutik Oqartussat ukiuni 2017, 2018 aamma 2019-imi Tele Greenland A/S-imit immikkut ittumik iluanaarutunik pissarsitillugit, iluanaarutit taakku tunngavigalugit katillugit 250 mio. kr.-inik tikillugit Kalaallit Airports A/S-imut aningaasaliissuteqarnissamut Naalakkersuisut piginnaatinneqarput.
- 2. Namminersorlutik Oqartussat 2017-imi Royal Greenland A/S-imit immikkut ittumik iluanaarutunik pissarsitillugit, iluanaarutit taakku tunngavigalugit katillugit 70 mio. kr.-it tikillugit Kalaallit Airports A/S-imut aningaasaliissuteqarnissamut Naalakkersuisut piginnaatinneqarput.
- 3. Namminersorlutik Oqartussat 2017-imi aktiaateqarluni ingerlatseqatigiiffinit Namminersorlutik Oqartussanit tamakkiisumik ilaannakortumilluunniit pigineqartunit immikkut ittumik iluanaarutunik pissarsitillugit, iluanaarutit taakku tunngavigalugit katillugit 100 mio. kr. tikillugit Kalaallit Airports A/S-imut aningaasaliissuteqarnissamut Naalakkersuisut piginnaatinneqarput. Aappaattut aktiaatinik 100 mio. kr.-it tikillugit nalilinnik tunisinissamut tunisinermillu tamanna iluanaarutunik Kalaallit Airports A/S-imut aningaasaliinissamut Naalakkersuisut piginnaatinneqarput.
- 4. Nunatta Karsiata 2016, 2017, 2018 aamma 2019-imi naatsorsuutai Nunatta Karsianut sinneqartooruteqartillugit sinneqartoorutit taakku Kalaallit Airports A/S-imut aningaasaliissutiginnissaannut Naalakkersuisut piginnaatinneqarput.
- 5. PFA Soraarnermi soraarnerussutisiassanut sillimmasiissutinut aktiaateqarluni ingerlatseqatigiiffimmi soraarnerussutisiassanut sillimmatinut maanna aaqquussinerit atorunnaarsinneqarnerannut atatillugu ataasiartumik annertuumik isertitaqartoqarnissaa naatsorsuutigineqarsinnaavoq. Namminersorlutik Oqartussat taama isertitanik pissarsiaqartillugit aningaasat taakku Kalaallit Airports A/S-imut aningaasaliissutiginnissaannut Naalakkersuisut piginnaatinneqarput.
- 6. 2018, 2019, 2020, 2021 aamma 2022-mi sanaartugassanut atuinikinnerussutinut utertitsisoqartillugu taakkunanit ukiumoortumik 50 mio. kr.-it tikillugit Kalaallit Airports A/S-imut aningaasaliissuteqarnissamut Naalakkersuisut piginnaatinneqarput.
- 7. Nuummi, Ilulissani Qaortumilu mittarfinnik, mittarfeqarfiit illutaannik taakkunungalu aqqusinernik sanaartornermut atatillugu sulisut avataaneersut akileraarutaannit tamakkiisunit iluanaarutaasinnaasut Kalaallit Airports A/S-imut aningaasaliissutigineqarnissaannut Naalakkersuisut piginnaatinneqarput.
- 8. Naalakkersuisut piginnaatinneqarput Kalaallit Airports A/S-imi aktianik aningaasaliinissamut Namminersorlutik Oqartussat Nuummi, Ilulissani mittarfiliutaasa taakkulu illutaasa, teknikikkut atortorissaarutaasa pigisaasalu nuunneqarsinnaasut nalingi allaavigalugit akiliinissamut piginnaatinneqarput. Naalakkersuisut Kalaallit Airports A/S Ilulissani Nuummilu mittarfinnik akiliutinik Namminersorlutik Oqartussat v/Mittarfeqarfiit Nuummi Ilulissanilu nunat tamalaat akornanni mittarfiit atulernissaasa tungaanut attartortitsinissamik pisussaaffilersinnaavaat. Piffissap attartortitsiviup nalaani Mittarfeqarfiit mittarfinni pineqartuni isertitanik aningaasartuutinillu isumaginnissapput."

Inatsimmi §	Oqaasertaliussat	Ingerlateqqinneqarnera	Oqaaseqaat
5	Nr. 1	Aap	Inatsimmut nassuiaatit uteqqinneqarput



# §5 imm. 2

## Kapitali 3 - Mittarfiit nutaat sanaartornissaannut aningaasalersuinissaq



- Taarsigassarsititsisussanut qulakkeerinissaq ersarissunillu killiliussaqaqarnissaq anguniarlugu Namminersorlutik Oqartussaniit aningaasaliissutissat 2,1 mia. koruunit pituttuiffiusumik nalunaarutigineqarnissaat pisariaqarpoq.
- ❖ ”Imm. 2. Naalakkersuisut pisussaatinneqarput Kalaallit Airports A/S-imut avataanit attartorfiit uppersaammik allanngortinneqarsinnaanngitsumik tunissallugit, Namminersorlutik Oqartussat piginneqatigiissummik aningaasaliissuteqassasoq aamma taarsigassarsianut akisussaaffeqarfiusunut aningaasannorlugu 2,1 mia. koruunit tikillugit aningaasaliilluni.”

Inatsimmi §	Oqaasertaliussat	Ingerlateqqinneqarnera	Oqaaseqaat
5 imm. 2.	Nagga	Nagga	Taarsigassarsititsisunut qulakkeerineq

# §6 imm. 1, 2 aamma 3

## Kapitali 3 - Mittarfiit nutaat sanaartornissaannut aningaasalersuinissaq



- ❖ ”§ 6. Naalakkersuisut Kalaallit Airports A/S-imi aktianut aningaasaatinik ataasiarlutik arlaleriarlutilluunniit qaffaanissamut piginnaatinneqarput.
- ❖ Imm. 2. Aningaasaatinut qaffaatissat aningaasanngorlugit 2,1 mia. koruunit tikillugit aningaasaatinut aningaasaliinissamut Naalakkersuisut atsiorderisigut pisinnaavoq.
- ❖ Imm. 3. Tamatuma saniatigut Naalakkersuisut Namminersorlutik Oqartussat Nuummi aamma Ilulissani mittarfiutaasa aallarniutitut aningaasaliinissamut atorneqarnissaannik atsiordermikkut aningaasaatinik qaffaassapput, ilanngullugit pigisat aalaakkaasut aamma teknikimut atortut taakkuluunniit ilai, kiisalu nunaminertanut pisinnaatitaaffiit taakkununga atasut.”
- Naalakkersuisut Kalaallit Airports A/S-imut aallarniutitut aningaasaliissuteqassaaq: Ilulissani Nuummilu mittarfiit pioreersut, taakkununga illuutit, teknikkimut atortut nunaminertanillu atuisinnaatitaanerit ilaallutik.
- ❖ 2018-imut Aningaasanut Inatsimmi kontomut pingaarnermut 10.13.11 oqaasertaliussaq nr. 1:
  - ”Iluaaarutit, pissarsiat, aktianik tunisinerit, ataasiartumik aningaasartuuteqarnerit, kontomi pingaarnermi 80.00.10 Sanaartugassanut Iluarsagassanullu Aningaasaateqarfimmi utertitat sanaartornermi sulianut atuinikipallaarsimanernit utertitsinerit imaluunniit ataasiartumik isertitat assingusut aqutugalugit isertitanik nalinginnaasunik aamma immikkut ittunik Nunatta Karsiata qanoq annertutigisunik tigusaqarnera apeqqutaalluni **Kalaallit Airports A/S-ip Nuummi, Ilulissani Qaqortumilu mittarfiliornissamut nammineerluni aningaasaatinut akileeqataassutissatut katillugit 2,1 mia. kr.-it tikillugit nalilinnik atuisinnaanissamik Naalakkersuisut piginnaatinneqarput.** Aningaasaatinik qaffaaneq pappiaqqat nalillit akianut 100-mut imaluunniit Naalakkersuisut qaffasinnerusumik aalajangigaanut akiliisoqarsinnaavoq.”

Inatsimmi §	Oqaasertaliussat	Ingerlateqqinneqarnera	Oqaaseqaat
6	Nr. 1	Aap	

# §6 imm. 4

## Kapitali 3 - Mittarfiit nutaat sanaartornissaannut aningaasalersuinissaq



- Kalaallit Airports A/S tigusinissaq sioqqullugu nunamik mingutsitsineqareersimasumik akisussaaffigissanngilaat. Nunap Karsiata naatsorsuutaani pisussaaffiliiffiusinnaasoq taanna pillugu allakkiortoqassaaq. Aalajangersakkap Kalaallit Airports A/S-ip taarsigassarsinissaanut oqilisaataanissaa naatsorsuutigineqarpoq.
  - Nuna mingutsinneqarsimasoq pillugu aalajangersagaq Pinngortitamut Avatangiisinullu, Aningaasaqarnermut kiisalu Attaveqaqatigiinnermut Naalakkersuisoqarfiit suleqatigalugit suliarineqarpoq.
  - Kalaallit Airports A/S-imit tusarniaanermi akissuteqaat tunngavigalugu ilanngunneqarpoq.
- ❖ ” Imm. 4. Aallarniutitut akiliuteqarnermi, takuuk imm. 3, Kalaallit Airports A/S-ip pigisani aalaakkaasuni tiguneqartuni nunamut mingutsitsineqareersimasumut, piffissaq tigusiiffusoq sioqqullugu pisimasumut akisussaaffik tigussanngilaa. Namminersorlutik Oqartussat Kalaallit Airports A/S pisussaaffiujunnartunut aningaasartuutaajunnartunullu tamatuma malitsigisinnaasaannut pisussaattissanngilaa.”

Inatsimmi §	Oqaasertaliussat	Ingerlateqqinneqarnera	Oqaaseqaat
6 imm. 4.	Naagga	Naagga	Taarsigassarsititsisussanut aningaasaqarnermut tunngasunik qulakkeerinissaq

# §7

## Kapitali 3 - Mittarfiit nutaat sanaartornissaannut aningaasalersuinissaq



- ❖ **”§ 7. ”§ 7. Naalakkersuisut Inatsisartut Aningaasaqarnermut Akileraartarnermullu Ataatsimiititaliaanit akuerineqarlutik piginnaatinneqarput, Kalaallit Airports A/S-imut avataanit attartorfinnut taarsigassarsianut qularnaveeqqusiinissamut, tulliullugu nunap karsianiit taarsigassarsinissamut, taakkualu Nuummi aamma Ilulissani nunani tamalaani mittarfiit aningaasalersornissaannut Kalaallit Airports A/S-imut ingerlateqqillugit taarsigassarsiaritissinnaallugit.”**
  - Namminersorlutik Oqartussat ukiorpassuarni ingerlatseqatigiiffiutimi taarsigassarsinissaannut qularnaveeqqusiisarniaratik aalajangiusimavaat. Kisiannili mittarfinnik sanaartornissaq nunamut tamarmiusumut tunngavimmigut soqutiginaateqarpoq. Qularnaveeqqusiinissap taarsigassarsiat erniaannut sunniuteqarnissaa naatsorsuutigineqarpoq, ernianullu aningaasartuutit appasinneri nunamut tamarmiusumut iluaqutaasussaapput.
  - Kalaallit Airports A/S-ip sanaartornerata nalaani aningaasalersorneqarallarnissaanut, siunissamut ungasissumut aningaasalersuinissamut aamma Namminersorlutik Oqartussat nammineerluni aningaasaatinut akileeqataassutissaasa ilaannik aningaasalersuigallarnissamut taarsigassarsianut qularnaveeqqusiisoqarsinnaavoq.
  - Qularnaveeqqusiissutit aningaasartai inatsimmi allassimanngillat, aningaasat allanngortinneqassappata tunngavissaqarpiarani nutaamik suliaqarnissaq pisariaqartussaammat.
- ❖ 2018-imut Aningaasanut Inatsimmi kontomut pingaarnemut 10.13.11 oqaasertaliussaq nr. 4:
  - ”Inatsisartut Aningaasaqarnermut Akileraartarnermullu Ataatsimiititaliaata akuersineratigut Naalakkersuisut Kalaallit Airports A/S-ip avataani taarsigassarsisitsisuiunut 2,0 mia. koruunit angullugit qularnaveeqqusiinissamut, taakkuluunniit taartaattut nunatta karsianiit 2,0 mia. koruuninik taarsigassarsinnaanermut, taakkuninngalu Kalaallit Airports A/S-imut taarsigasseeqqinnissaannik piginnaatinneqarput.”

Inatsimmi §	Oqaasertaliussat	Ingerlateqqinneqarnera	Oqaaseqaat
7	Nr. 4	Ja	

# Kapitali 4:

## *Mittarfinnut neqerooruteqartitsineq kiisalu atorfinititsinermut tunngasut*

*(Kapitalimi qupp. 1/4-mut tunngasut tamarmiusut)*



- *Kapitali 4 suliffeqarnermut naalakkersuinikkut oqartussaasut suleqatigalugit ilusiligaavoq.*
- Mittarfiliassat kingunerisaannik sanaartugassat ima annertutigilissapput, allaat illuliornermi sanaartormilu sulisartut, Kalaallit Nunaanni pissarsiarineqarsinnaasunit amerlanerusut pisariaqartinneqartussaallutik.
- Sulisussaaleqisoqartoq suliassaqarfimmiit nalunaarutigineqarpoq.
- Kalaallit sanaartormermit sulisussanik amigaateqalernissaat pinngitsoortinniarlugu aammalu sanaartormermit akiusut tamarmiusut appasitsinniarlugit, Kalaallit Airports A/S-ip illulioriternermut sanaartormullu isumaqatigiissutissanut, aammalu illuliassanut sanaartugassanullu isumaqatigiissutinik nunani tamalaani tunniussisinnanissamut, aammalu nunani tamalaani suleriaaseq pitsaasoq naapertorlugu neqerooruteqartussanut saaffiginnilluni neqerooruteqartitsinissamut neqerooruteqartitsinnaanissaa siunnersuutigineqarpoq.
- Nunani tamalaani neqerooruteqartitsinikkut, illulioriternermi sanaartormermit suliaraqpallaalernissaq annikillisinneqassaaq.
- Illulioriternermi sanaartormermit neqerooruteqartitsisarneq pillugu Inatsisartut inatsisaat atorneqassanngilaq. Taamaalilluni neqerooruteqartitsinermi suliassanillu tunniussisarnermi nunani tamalaani piumasaqaatit unammillerfiusinnaasut atorneqarsinnaanissaat qulakkeerneqassaaq.

# Kapitali 4:

## *Mittarfinnut neqerooruteqartitsineq kiisalu atorfinitsitsinnermut tunngasut*

*(Kapitalimi qupp. 2/4-mut tunngasut tamarmiusut)*



- Nunanit allaniit illulioriternermi sanaatornermilu sulisussanut akissarsiassat atorfininnermilu atugassarititaasunut, aammalu suliffinni atugassarititaasunut tunngatillugu Kalaallit Nunaanni inatsisit imaluunniit Kalaallit Nunaata nunanut tamalaanut pisussaaffii unioqqutinneqassanngillat.
- Tamanna atorfininnermut isumaqatigiissutinut najoqqutassaq siumoortumik akuerisaq, aammattaaq nunanut allanut oqartussaasut illulioriternermi sanaatornermilu sulisut nunanit allaneersut, najugaqarnissamut sulinissamullu akuersissummik qinnuteqaataannik suliaqarneranni pilertortumik suleriaaseqalernissaannut tunngaviliisinnaasoq atorlugu qulakkeerneqarsinnaavoq.
- Naalakkersuisut nunanit tamalaanit neqerooruteqartitsinnermut atugassatut najoqqutassanik, Kalaallit Nunaanni suliffeqarnermi pissutsinik paasissutissiiviusunik suliaqarsinnaapput, taakkunungalu Kalaallit Nunaanni sulisussanik pissarsisinaanermut najoqqutassat ilaatinneqassapput.
- § 10-mi aalajangersakkap annersaa angisuunik sanaatornermi illulioriternermut sanaatornermullu Inatsisartut inatsisaanni § 10d-mut assingusuvoq.

# Kapitali 4:

## *Mittarfinnut neqerooruteqartitsineq kiisalu atorfinitsinermut tunngasut*

*(Kapitalimi qupp. 3/4-mut tamarmiusumut tunngasut)*



- Sulisitsisoq illuliortiternermi sanaartormilulu sulisut nunanit allaneersut katsorsarneqarsinnaanerat, tamatumunnga akiliutissat aammalu akiliisinnaanissaq qulakkeerniarlugu tamatumunnga sillimmasiinissaq pillugu peqqinnissaqarfimmut isumaqatigiissusiortussaavoq. Aamma sulisitsisoq illuliortiternermi sanaartormilulu sulisut nunanit allaneersut peqqissusaannik misissuisarnissaq pillugu isumaqatigiissusiortussaavoq.
- Sulisartut nunanit allaneersut aammalu Kalaallit Nunaanniittut, kisiannili maani najugaqanngitsut. Tunngavissat pineqartut angisuunik suliaqarnermut inatsimmi atornerqarput.
- Naalakkersuisut maleruagassanik, illuliortiternermi sanaartormilulu sulisut nunanit allaneersut nappaatinik tuniluuttunik nappaateqannginnissaannut allatulluunniit peqqiilliuuteqannginnissaannut qulakkeereqataasussanik aalajangersaanissamut piginnaatinneqarput. Maleruagassat kalaallit peqqissutsimut oqartussaasui suleqatigalugit aalajangersarneqassapput.
- Illuliortiternermi sanaartormilulu sulisut nunanit allaneersut, mittarfiit sanaartorneqarnerini atorfinitsinneqartut taamaallaat piffissami aalajangersimasumi sulitinneqassapput.

# Kapitali 4:

## *Mittarfinnut neqerooruteqartitsineq kiisalu atorfinititsinermut tunngasut*

### *(Kapitalimi qupp. 4/4-mut tamarmiusumut tunngasut)*



- Illuliorititernermi sanaartornermilu suliassamut matumunnga immikkut ittumut sulinissamut akuersissuteqartoqassaaq. Atorfeqarneq unippat sulinissamut akuersissut ingerlaannartumik atorunnaassaaq, pineqartorlu inerteqqutaanngitsumik Kalaallit Nunaanniissinnaajunnaassaaq.
- Illuliorititernermi Sanaartornermilu sulisut nunanit allaneersut taamaallat piffissami aalajangikkami sivikinnerusumi Kalaallit Nunaanniissapput. Taamaattumik illuliorititernermi sanaartornermilu sulisut nunanit allaneersut pinngitsoorani soraarnerussutisiaqarnissamut aaqqissuussineq pillugu Inatsisartut inatsisaanni siunnerfiusunut ilaatinneqassanngillat.
- Sulinngiffeqartarneq pillugu Inatsisartut inatsisaat sulisartunut nunanit allaneersunut Kalaallit Nunaanniittunut atuutsinneqassanngilaq. Aalajangersakkap annersaa illuliorititernermi sanaartornermilu angisuunik suliaqarneq pillugu Inatsisartut inatsisaanni § 10d-p assingaa. Illuliorititernermi sanaartornermilu sulisut piffissami Kalaallit Nunaanni suliffigisaminni sulinngiffeqarnissamut ajunngitsorsiassaqaartitaassasut, aammalu piffissami akissarsiorfiusumi sulinerit sivilissuserpiaat apeqqutaatinnagu annerpaamik nalunaaquttap akunnerinik 200-nik pissarsiaqarsinnaassasut siunnersuutigineqarpoq. Sulititsisoq sulinngiffeqarnermi ajunngitsorsiassanik akiliinissamut pisussaaffilerneqassaaq.
- Soraarnerussutisianut sulinngiffeqarnermullu il.il. Aalajangersakkat allaffissornerujussuarmik annikillititsissapput.
- *Kapitali 4 suliffeqarnermut naalakkersuinermi oqartussaasoq suleqatigalugu ilusilerneqarpoq.*



# §8

## Kapitali 4 - Mittarfinnut neqerooruteqartitsinissaq kiisalu atorfinitsitsinermut tunngasut



- ❖ ”§ 8. Kalaallit Airports A/S-ip sanaartugassanut illuliassanullu Inatsisartut inatsisaanni matumani pineqartunut, nunani tamalaani neqerooruteqartitsinikkut aammalu nunani tamalaani suleriutsit naapertorlugit isertortumik neqerooruteqartitsinikkut neqeroorutininik pissarsiniarsinnaapput.
- ❖ Imm. 2. Inissialiortiternermi sanaartormilulu neqeroorutininik pissarsiniartarneq pillugu Inatsisartut inatsisaat sanaartukkanut, imm. 1-imi pineqartunut, atuutissanngilaq.”
- ❖ 2018-imut Aningaasanut Inatsimmi kontomut pingaarnermut 10.13.11 oqaasertaliussaq nr. 5:
  - Nunani tamalaani atugassarititaasut malillugit suliariumannittussarsiorneq:
  - ”Ilulissani, Nuummi Qaqortumilu mittarfiit nutaat tamarmiusut taakkuluunniit ilaasa sanaartornissaat pillugu neqeroorutininik Kalaallit Airports A/S-ip pissarsiniarnerani suliakkiussineraniluunniit sanaartornissamik isumaqatigiissutininut neqeroorutininik aammalu sanaartornissamik isumaqatigiissutit pillugit suliakkiussinissat nunani tamalaani periusissat pitsaasut naapertorlugit nunani tamalaani neqeroorutigineqarnissaasa aammalu nunani tamalaani neqeroorutigineqarnissaasa akuerinissaannut Naalakkersuisut piginnaatinneqarput.”
  - Sanaartormermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq Naalakkersuisut immikkoortoq 1-imi akuersereerneranni sanaartormermut isumaqatigiissutininut atortinneqassanngilaq.”

Inatsimmi §	Oqaasertaliussat	Ingerlateqqinneqarnera	Oqaaseqaat
8	Nr. 5	Aap	Naalakkersuisut tamanna 16. maj 2018-imi akuersissutigaa.

# §9:

## Kapitali 4 - Mittarfinnut neqerooruteqartitsinissaq kiisalu atorfinitsitsinermut tunngasut



- ❖ “§ 9. Kalaallit Airports A/S neqerooruteqartitsinermi, illuliornermi sanaartornermilu sulisut, § 8, imm. 1-imi pineqartuni illuliortiternermi sanaartornermilu suliaqarnermi sulisorineqartut aningaasarsianut atorfininnermilu atugassarititaasuni Kalaallit Nunaanni pissutsit malillugit nalinginnaasuni pineqartunut ilaatinneqassasut, piumasaqaatigissavaa.
- ❖ Imm. 2. Imm. 1-imi taaneqartutut aningaasarsianik naatsorsuinermi sulisitsisup, illuliornermi sanaartornermilu sulisunik nunanit allaneersunik sulisoqartup, sulisartup nerisaqarnerata ineqarneratalu aammalu sullisaasa atisat nalingat naatsorsuinermi ilaatissinnaavai, taamaattoq annerpaamik taakkua akileraarutitigut nalingat tikillugu annertussuseqartumik.”
- ❖ 2018-imut Aningaasanut Inatsimmi kontomut pingaarnermut 10.13.11 oqaasertaliussaq **nr. 5**:
  - *Nunani tamalaani atugassarititaasut malillugit suliariumannittussarsiorneq:*
  - ”Sanasut, ruujorilerisut, innaallagisserisut sanaartortitsisunilu suliffeqartut akunnermusiallit pillugit Sulisitsisut aammalu Sulinermik Inuussutissarsiateqartut Kattuffiata akornanni isumaqatigiisummi 1. april 2016-imit 31. marts 2019-imut atuuttumi atugassarititaasut minnerpaamik assingi malillugit sulinerup ingerlanneqarnissaa Kalaallit Airports A/S-imut neqerooruteqartut aammalu Ilulissani, Nuummi Qaqortumilu mittarfiliornermik sanaartornermik ingerlataqartut qulakkiissavaat.”

Inatsimmi §	Oqaasertaliussat	Ingerlateqqinneqarnera	Oqaaseqaat
9	Nr. 5	Aap	Annertunerusumik immikkoortiterneqarput

# §10

## Kapitali 4 - Mittarfinnut neqerooruteqartitsinissaq kiisalu atorfinitsitsinermut tunngasut



- Aalajangersagaq nutaajuvoq. Sulinggiffeqarnermut tunngasut maleruagassiuunneqarnerini angisuunik suliaqarnermut inatsit isumassarsiorfigineqarpoq.
- ❖ ” § 10. Illuliornermi sanaartormilu sulisoq nunanit allaneersoq, illuliornermik sanaartormillu suliaqarnermi sulisorineqartoq, § 8, imm. 1-imi pineqartunut ilaasoq, Kalaallit Nunaanni sulinermit sulinggiffeqarnissamik katersissaaq. Sulinggiffeqartarneq pillugu Inatsisartut inatsisaat illuliornermi sanaartormilu sulisunut nunanit allaneersunut, illuliornermik sanaartormillu § 8, imm. 1-imi pineqartunut ilaasumik suliaqarnermi sulisorineqartunut, atuutinngilaq.
- ❖ Imm. 2. Ukioq katersiffiusoq tassaavoq qaammatsiutit malillugit ukioq. Illuliornermi sanaartormilu sulisoq nunanit allaneersoq qaammatsiutit malillugit ukiumi piffissamit qaammatinit 12-init sivikinnerusumik Kalaallit Nunaanni sulisimappat, ukioq katersiffiusoq taamaallaat piffissamut sivikinnerusumut tassunga tunngassuteqassaaq.
- ❖ Imm. 3. Sulinggiffeqarnissamut katersorneqassapput, ukiumi katersiffiusumi nalunaaquttap akunnerinut ataasiakkaanut tamaginnut nalinginnaasumik suliffiusuni nalunaaquttap akunneri 0,096. Ukiumi katersiffiusumi sapaatip akunneranut nalunaaquttap akunnerini 40-ni nalinginnaasumik suliffeqarnermi, nalunaaquttap akunneri 200-ini sulinggiffeqarsinnaatitaanermut katersuisoqarsimassaaq. Nalunaaquttap akunnerini ikinnerusuni suliffeqarsimanermi, nalunaaquttap akunneri sulinggiffeqarfiusussat taamaaqatai katersorneqarsimassapput. Ukiumi katersiffiusumi annerpaamik nalunaaquttap akunneri 200-t sulinggiffeqarfiusussat katersorneqarsinnaapput.
- ❖ Imm. 4. Nalunaaquttap akunneranut sulinggiffeqarfissatut katersorneqartunut tamaginnut sulinggiffeqarnermi ajunngitsorsiassat sulisitsisup akilissavai. Sulinggiffeqarnermi ajunngitsorsiassat nalunaaquttap akunneranut sulinggiffeqarfiusussamut ataatsimut aningaasartalerlugit tunniunneqassapput, taanna ukiumi katersiffiusumi nalunaaquttap akunneranut suliffiusumut ataatsimut sulisup agguaqatigiissillugu aningaasarsiaatut annertussuseqassalluni.
- ❖ Imm. 5. Sulinggiffeqarnermi ajunngitsorsiassat ukiup katersiffiusup naanerani tunniunneqassapput, taamaattoq kingusinnerpaamik soraarnermi aallarnermut atatillugu.”

Inatsimmi §	Oqaasertaliussat	Ingerlateqqinneqarnera	Oqaaseqaat
10	Naagga	Naagga	Sulinggiffeqarnermut tunngasut pisariillisaaffigineqarput

# §11

## Kapitali 4 - Mittarfinnut neqerooruteqartitsinissaq kiisalu atorfinitsitsinermut tunngasut



- Aalajangersagaq nutaajuvoq. Peqqissutsimut tunngasunut maleruagassiuussineq.
- ❖ ”§ 11. Sulisitsisup illuliornermik sanaatornermillu suliaqarnermi illuliornermi sanaatornermilu sulisunik nunanit allaneersunik § 8, imm. 1-imi pineqartunut ilaasunik sulisoqartup isumaqatigiissummi makkuninnga pisussaaffeqarnissaa, Kalaallit Airports A/S-ip qulakkiissavaa :
  - ❖ 1) Sulitilluni ajoqusernissamut sillimmasiissummut aamma inuussutissarsiorluni napparsimalernissamut sillimmasiissummut inatsimmi pisussaaffiliussamut sillimmasiisimanissaa aningaasartuutinillu akiliinissaa. Sulisitsisup sillimmasiissummut sillimmasiinissamut aningaasartuutinillu akiliinissamut pisussaaffeqarnera, atorfinitsitsinermi isumaqatigiissummi allassimassaaq.
  - ❖ 2) Illuliornermi sanaatornermilu sulisunik nunanit allaneersunik napparsimasunik ajoqusersimasunillu aallarussinissamut, assartuussinissamut katsorsaaniissamullu aningaasartuutit akilernissaannut isumannaallisaatitut sillimmasiissummut sillimmasiinissaaq aningaasartuutinillu akiliinissaaq. Sulisitsisup sillimmasiissummut sillimmasiinissamut aningaasartuutinillu akiliinissamut pisussaaffeqarnera, atorfinitsitsinermi isumaqatigiissummi allassimassaaq.
  - ❖ 3) Illuliornermik sanaatornermillu suliaqarnerit aallartinneqarnissaat sioqqullugu peqqinnissaqarfimmit sullinneqarnissap tamatumunngalu akiliutissap annertussusissaanut tunngatillugu Peqqissutsimut Naalakkersuisoqarfimmut isumaqatigiissuteqarneq.
  - ❖ 4) Piumasaqaatinut Kalaallit Nunaanni peqqinnissamut oqartussanit aalajangersagaasunut naapertuuttumik illuliornermi sanaatornermilu sulisut nunanit allaneersut peqqissusaasa misissorneqarnerisa misissoqqissaarneqarnerisalu ingerlanneqarnerat.
  - ❖ 5) Illuliornermi sanaatornermilu sulisut nunanit allaneersut, § 8, imm. 1-imi pineqartuni illuliornermik sanaatornermillu suliaqarnermi sulisorineqarunnaarpata, Kalaallit Nunaannit aallarnissaasa qulakkeernissaa taakkununngalu aningaasartuutini akiliinissaaq.
  - ❖ 6) Peqqinnissamut ilinniarsimasunik sullivinni imaluunniit sulliviup eqqaaniittoqarnissaa qulakkeerlugu, tassani napparsimanermi ajoqusernermilu peqqinnissaqarfimmit naammattumik naleqquttumillu sullinneqarnissaaq qulakkeerneqassalluni.
- ❖ Stk. 2. Naalakkersuisut illuliornermi sanaatornermilu sulisut nunanit allaneersut peqqissusaannut, ilanngullugu misissorneqartarnerinut uppersaasiisarnerinullu, maleruagassanik aalajangersaasinnaapput.”

Inatsimmi §	Oqaasertaliussat	Ingerlateqqinneqarnera	Oqaaseqaat
11	Naagga	Naagga	Peqqissutsimut tunngasut – Suliffeqarnermut naalakkersuinikkut oqartussaasunit suliarineqartoq

# §12

## Kapitali 4 - Mittarfinnut neqerooruteqartitsinissaq kiisalu atorfinitsitsinermut tunngasut



- Aalajangersagaq nutaajuvoq. Inatsimmi ”illuliornermi sanaartormilu sulisut nunanit allaneersut” qanoq paasineqassanersut nassuiarneqarpoq.
  
- ❖ ”§ 12. Illuliornermi sanaartormilu sulisut nunanit allaneersut paasineqassapput tassaasut, sulisartoq kinaluunniit piunasaqaatinik makkuninnga naammassinnissimasoq
- ❖ 1) sulisartoq sulinermini nalinginnaasumik Kalaallit Nunaata avataani sulisartoq,
- ❖ 2) sulisartoq § 8, imm. 1-imi pineqartuni illuliornermik sanaartormillu suliaqarnermi sulisussatut piffissami aalajangersimasumi Kalaallit Nunaanni sulisorineqartoq aamma
- ❖ 3) sulisartoq tamanna pillugu entreprenørimut imaluunniit taassuma ataani pilersuisumut isumaqatigiissut naapertorlugu nr. 2 naapertorlugu suliaqarnermi sulisorineqartoq.”

Inatsimmi §	Oqaasertaliussat	Ingerlateqqinneqarnera	Oqaaseqaat
12	Naagga	Naagga	Oqaasertaanut nassuiaat

# §13

## *Kapitali 4 - Mittarfinnut neqerooruteqartitsinissaq kiisalu atorfinitsitsinermut tunngasut*



- Aalajangersagaq nutaajuvoq. Soraarnerussutisianut tunngasut maleruagassiuunneqarnerat.
- Aalajangersagaq allaffissornerujussuarmik annikillititsissaaq.

❖ ”§ 13. Soraarnerussutisianut pinngitsoorani aaqqissuussineq pillugu Inatsisartut inatsisaat illuliornermi sanaartornernilu sulisunut nunanit allaneersunut, § 8, imm. 1-imi pineqartuni illuliornermik sanaartornermillu suliaqarnermi sulisorineqartunut, atuutinngilaq.”

Inatsimmi §	Oqaasertaliussat	Ingerlateqqinneqarnera	Oqaaseqaat
13	Naagga	Naagga	Soraarnerussutisianut tunngasut nassuiaasiorneqarnerat



# §14

## Kapitali 5 - Kalaallit Airports A/S-ip suliai

- Kalaallit Airports A/S suliassanik, immikkoortillugit niuernermik tunngaveqanngitsunik atugassaqaartitsiviusumik, kisiannili ataatsimoortumik niuernermik tunngaveqarluni sinneqartoornissarlu siunnerfigalugu ingerlanneqartussanik isumaginninnissamut periarfissinneqarpoq.
- Akit akinullu tunngaviusuut aalajangersarneqassapput, ingerlatseqatigiiffik pisussaaffimminik, taakkunungalu taarsigassarsititsisussat ilanngullugit, tamakkiisunik naammassinnissinnaangorlugu.
- Kalaallit Airports A/S-ip akinik appaanissamut taarsigassarsianillu akiliinissamut piginnaaneqarnera tunngavigalugu, ingerlatseqatigiiffiup suliassaqaarfimmi nunani tamalaani suleriaatsit iluanni niuernermut atugassarititaasut atorlugit suliassani niuernermik tunngaveqarluni ingerlassinnaassavai.
- Tamanna Kalaallit Airports A/S-ip niurfianut tamarmiusumut pingaaruteqarpoq.
- ❖ ”§ 14. Kalaallit Airports A/S-ip ingerlatseqatigiiffimmut maleruaqqusat naapertorlugit suliaqarnini ingerlatissavaa. Ingerlatseqatigiiffiup suliaqarnera tamarmiusoq niuernermik tunngaveqartumik ingerlanneqassaaq.
- ❖ Imm. 2. Kalaallit Airports A/S-ip niurfiusut imaluunniit atuuffiit allamut suliakkiissutigisinnaavai.”

Inatsimmi §	Oqaasertaliussat	Ingerlateqqinneqarnera	Oqaaseqaat
14	Naagga	Naagga	KAIR-ip ingerlatsinerata nassuiaasioqarnera



# §15

## Kapitali 5 - Kalaallit Airports A/S-ip suliai

- Naalakkersuisut Kalaallit Airports A/S akinik, soqutigisanik allanik isumaginninnissamut siunertaqarfiusunik akuerseqqullugu peqqusinnaanngilaat. Taamaalilluni akit taperseeqatigiinnissamut, immikkoortuni allani sanaartornissamut il.il. iluaqutissanngorlugit qaffanneqarnissaat pinngitsoortinneqassaaq.
- Tamatuma kingunerisaanik Kalaallit Airports A/S-imut akit akinullu tunngaviusut mittarfiit pillugit Inatsisartut inatsisaanni nr. 12-imi, 5. december 2008-meersumi § 8-mi maleruagassiuunneqanngillat. Kalaallit Airports A/S-ip mittarfiutaannut tunngatillugu inatsisitigut tunngaviusut inatsimmut tassunga nuunneqarput.
- ❖ ”§ 15. Kalaallit Airports A/S ingerlatseqatigiiffiup mittarfiini atorneqarnerinut akinik aalajangersaasassaaq.
- ❖ Imm. 2. Ingerlatseqatigiiffiup mittarfiinut akit akinullu tunngaviusut Kalaallit Airports A/S-ip suliai tamarmiusut tunngavigalugit aammalu § 14-imi tunngavissat naapertorlugit aalajangersarneqartassapput.
- ❖ Imm. 3. Ingerlatseqatigiiffiup mittarfiinut akit akinullu tunngaviusut, kiisalu taakkununga allannguutissat Naalakkersuisunit akuerineqartassapput.”

Inatsimmi §	Oqaasertaliussat	Ingerlateqqinneqarnera	Oqaaseqaat
15	Naagga	Aap	Inatsisitigut tunngaviusut mittarfiit pillugit inatsimmiit nuunneqarput





# §16

## *Kapitali 6 – Sanaartorfissagissaaneq nunalu tamakkerlugu pilersaarusiortarnermut malittarisassat*

- Oqaatigineqanngikkaluartoq, Kalaallit Airports A/S kommunilu mittarfinnik sanaartornerup kingunerisaanik pisortat attaveqaataanik allannguineranut pilersitsinernulluunniit pisariaqartinneqartunut suliassat Kalaallit Airports A/S-imit isumagineqarnissaat aammalu aningaasartuutit kommunimit isumagineqarnissaat isumaqatigiissutigineqarsinnaavoq.
- Aalajangersakkami attaveqaatinut malitsigisassanut ersarissunik killiliinissaq pilersinneqassaaq, taamaalilluni akisussaaffiit aningaasalersuinissallu nalornineqalissanatik.
- ❖ ”§ 16. Nuummi aamma Ilulissani nunani tamalaani mittarfinnik kiisalu Qaqortumi nunap immikkoortuani mittarfimmik Inatsisartut inatsisaat manna naapertorlugu sanaartornermut atatillugu, pisortanit ingerlanneqartumik attaveqaqatigiinnermik pilersitsinissamik pisariaqartinneqalersunik sanaartornissamut aningaasartuutit akilerneqarnissaat pillugu Naalakkersuisut kommuninut isumaqatigiissusiorsinnaassapput.
- ❖ Imm. 2. Attaveqarnermi pisortanit ingerlanneqartuni annertuunik Nuummi, Ilulissani aamma Qaqortumi mittarfinnik Inatsisartut inatsisaat manna naapertorlugu sananermut ilaatillugu ajoquserneqartuni imaluunniit pisariaqartinneqalersuni, pilersitseqqinnissamut allangortitsinissamullu aningaasartuutit agguarneqarnissaat pillugu Naalakkersuisut Kalaallit Airports A/S-imit isumaqatigiissusiorsinnaapput.”

Inatsimmi §	Oqaasertaliussat	Ingerlateqqinneqarnera	Oqaaseqaat
16	Naagga	Naagga	Attaveqaatinut malitsigisassanik paasiniaanissaq



# §17

## Kapitali 6 – Sanaartorfissagissaaneq nunalu tamakkerlugu pilersaarusiortarnermut malittarisassat

- ❖ ”§ 17. Naalakkersuisut nuna tamakkerlugu pilersaarusiornissamut malittarisassani Inatsisartut inatsisaat manna naapertorlugu Nuummi, Ilulissani Qaqortumilu mittarfinnik,
- ❖ taakkunanilu aallartarfiit tikittarfinnullu atortut aamma attaveqaqatigiinnermut aaqqissuussinerit ilanngullugit, tamatumalu kingunerisaanik pisortanit ingerlanneqartumik attaveqaqatigiinnermik pilersitsineq sanaartornermut maleruagassanik sukumiisunik aalajangersaasinnaapput.
- ❖ Imm. 2. Naalakkersuisut nuna tamakkerlugu pilersaarusiornermi sumiiffiit ilaannik, Inatsisartut inatsisaat manna naapertorlugu Nuummi, Ilulissani Qaqortumilu mittarfinnik, taakkunanilu attuumassuteqartunik aallartarfiit tikittarfinnullu atortut aamma attaveqaqatigiinnermut aaqqissuussinerit ilanngullugit, aammalu pisortanit ingerlanneqartumik attaveqaqatigiinnermik pilersitsineq, taakkulu kingunerisaanik atuinermut aalajangersakkat sukumiisut kommunimi pilersaarutitut inatsisitigut sunniuteqassanersut aalajangersinnaavaat.”
- ❖ 2018-imut Aningaasanut Inatsimmi kontomut pingaarnermut 10.13.11 oqaasertaliussaq nr. 3:
  - Nuna tamakkerlugu pilersaarusiomeq:
  - ”Nuna tamakkerlugu pilersaarusiornissamut peqqussutikkut, mittarfinnik nutaanik sanaartornissamut taakkununngalu ilaasunut atortulersuutitut, illunut, teknikikkullu sanaartukkanut aalajangersakkat peqqissaarnerusut Naalakkersuisut aalajangiussinnaavaat aamma Naalakkersuisut aalajangersinnaavaat, nuna tamakkerlugu pilersaarusiornissamut peqqussut, Ilulissani, Nuummi imaluunniit Qaqortumi mittarfiliarluni sanaartornissani, taakkununngalu ilaasunut atortulersuutitut, illunut, teknikikkullu sanaartukkanut nunaminertamut atuinermut aalajangersakkat peqqissaarnerusut, kommunimi pilersaarutitut inatsisitigut kinguneqassasut.”

Inatsimmi §	Oqaasertaliussat	Ingerlateqqinneqarnera	Oqaaseqaat
17	Nr. 3	Aap	Pilersaarusiornermut nunaminertanillu atuinermut inatsimmi §9



## §18

### *Kapitali 7 - Pinngitsaaliissummik taarsiissutitalimmik arsaarinninnissaq*

- Pinngitsaaliissummik taarsiissutitalimmik arsaarinninnissaq pisariaqartinneqassappat, pinngitsaaliissummik taarsiissutitalimmik arsaarinninnissamut inatsisitigut tunngavissat apeqquserneqarsinnaannginnissaat pingaaruteqarpoq. Taamaalilluni kinguaattoornissat pinngitsoortinneqassapput.
  
- ❖ ”§ 18. Naalakkersuisut Nuummi, Ilulissani Qaqortumilu mittarfiit, taakkulu aallartarfiinut tikittarfinnullu atortut aamma attaveqaqatigiinnermut aaqqissuussinerit ilanngullugit illuliortiternerit sanaartorerillu, kiisalu tamatuma kingunerisaanik pisortanit ingerlanneqartumik attaveqaqatigiinnermik pilersitsinnermut atatillugu, pisariaqartillugu pigisanik aalaakkaasunik pinngitsaaliissummik taarsiissutitalimmik arsaarinnissinnaapput. Pinngitsaaliissummik taarsiissutitalimmik arsaarinnineq, pinngitsaaliissummik taarsiissutitalimmik arsaarinnittarnerit pillugit Inatsisartut inatsisaanni maleruagassat malinneqassapput.”

Inatsimmi §	Oqaasertaliussat	Ingerlateqqinneqarnera	Oqaaseqaat
18	Naagga	Aap	Pilersaarusiornermut nunaminertanillu atuinermut inatsimmi §51



# §19

## Kapitali 8 - Nassiussanik imaatigut assartuussineq

- ❖ ”§ 19. Inatsisartut inatsisaanni sanaartugassat illuliortiternissallu pineqartut suliarineqarnissaannut atortussanik imaatigut nassiussanik assartuinnermi Kalaallit Nunaannut, Kalaallit Nunaanniit aamma Kalaallit Nunaanni nassiussanik imaatigut assartuisarneq pillugu Inatsisartut peqqussutaat atorineqassanngilaq.”
- ❖ 2018-imut Aningaasanut Inatsimmi kontomut pingaarnermut 10.13.11 oqaasertaliusseq nr. 6:
  - *Imaatigut assartuineq :*
  - ” Ilulissani, Nuummi Qaqortumilu mittarfinnik taakkunungalugu ilaareersunik illunik, teknikikkut sanaartukkanik kiisalu pigisanik nuunneqarsinnaasunik sanaartornermi imaatigut assartuineq Kalaallit Nunaannut, Kalaallit Nunaannit Kalaallit Nunaannilu imaatigut usineq assartuineq pillugu Inatsisartut peqqussutaanni ilaatinneqanngilaq.”
- Kalaallit Nunaannut, Kalaallit Nunaanniit aammalu Kalaallit Nunaanni imaatigut assartuussinnermut Inatsisartut peqqussutaannik saneqqutsinissamut immikkut ittumik akuersissuteqartoqarsinnaareerpoq. Tassalu aalajangersakkami immikkut ittumik akuersissuteqartarnerup allaffissornikkut suliarineqartarnera atuutsinngitsoorneqarpoq.
- Entreprenøri mittarfiliortiternermut atugassanik imaatigut assartuussinissamut assartuussisartut arlaannulluunniit, tassungalugu ilanngullugu Royal Arctic Line A/S-imut neqeroorutininik pissarsiniarsinnaavoq.

Inatsimmi §	Oqaasertaliussat	Ingerlateqqinneqarnera	Oqaaseqaat
19	Nr. 6	Aap	Ilaatigut peqqussummi atuuttumi atuutereerpoq



# §20

## Kapitali 9 - Pisortanut naqissusiinermut akitsuut

- ❖ ”§ 20. Allagaatinut, taarsigassarsinermut uppenarsaatinut, allagaatit naqinnerinut uppenarsaatinullu il.il., sanaartornermut illulioriternernullu atatillugu suliarineqartunut, Inatsisartut inatsisaannut matumunnga ilaatinneqartunut pisortanut naqissusiinermut akitsuusiisoqassanngilaq.
- ❖ Imm. 2. Naqissusiisussaanginnermut aamma allagaatit taarsigassarsinermullu uppenarsaatit il.il. Kalaallit Airports A/S-imut pigisanik nalilinnik, § 6, imm. 3-mi pineqartunik aallarniutitut akiliutigineqartut tunineqartulluunniit tunniunneqarnerinut atatillugu suliarineqartut ilaatinneqarput. Kalaallit Airports A/S mittarfiliortiternermut atatillugu taarsigassarsinermi allagaatit il.il. Naqissusiinermut pisortanut akiliisinneqassanngippat, tamanna ingerlatseqatigiiffimmuut oqilisaataassaaq.”
- Assersuutigalugu taarsigassarsinermut uppenarsaatit, 2,1 mia. koruuninik aningaasartaqartut 31,5 mio. koruuninik naqissusiinermut akitsuuserneqartussaapput.
- ❖ 2018-imut Aningaasanut Inatsimmi kontomut pingaarnermut 10.13.11 oqaasertaliussaq nr. 2:
  - Naqissusiinermut akitsuuteqartitsinnginneq :
  - ” Uppenarsaatit, taarsigassarsinermut uppenarsaatit, takussutissat allatullu uppenarsaatit Kalaallit Airports A/S-ip aningaasalersorneranut, ingerlanneranut sanaartorneranullu atatillugu suliarineqartut pisortanut naqissusiinermi akitsuutinik eqqorneqassanngillat, tamatumani ilaatinneqarlutik Nuummi, Ilulissani Qaqortumilu mittarfiini atasuni taakkununngalu ilaareersunik illunik, teknikikkut sanaartukkanik kiisalu pigisanik nuunneqarsinnaasunik akileeataassutitut tunniussinerit.
  - Naqissusiinikkut akitsuuteqartitsinnginnermi ilaatinneqarput Nuummi Ilulissanilu mittarfinnik taakkununngalu ilaareersunik illunik, teknikikkut sanaartukkanik kiisalu pigisanik nuunneqarsinnaasunik akileeataassutitut Kalaallit Airports A/S-imut tunniussinerit imaluunniit pigisanik nalilinnik taamaattunik Kalaallit Airports A/S-imut tunisinerit.”

Inatsimmi §	Oqaasertaliussat	Ingerlateqqinneqarnera	Oqaaseqaat
20	Nr. 2	Aap	



# §21

## *Kapitali 10 - Atuuttussanngortitsineq*

- ❖ ”§ 21. Inatsisartut inatsisaat manna xx. xxx 2018-imi atuutilerpoq.”
- Politikkikkut inissiisoqariarpat atuuttussanngortitsinermut ulluliussap iluarsissutitut allakkiaq aqutigalugu iluarsineqarnissaa naatsorsuutigineqarpoq.



# Tusarniaanermi akissuteqaatit

## *Takussutissiaq*

- Siunnersuut 2018-imi 15. januaarimiit 19. februaarimut tamanut ammasumik tusarniaassutigineqarpoq.
- Piffissap tusarniaaffiusup naanerani makkunanga tusarniaanermi akissuteqaatinik tigusaqartoqarpoq:
  - Pinngortitamut Avatangiisinullu Naalakkersuisoqarfik (*oqaaseqaateqanngilaq*)
  - Aatsitassanut Ikummatissanullu Naalakkersuisoqarfik (*oqaaseqaateqanngilaq*)
  - Aalisarnermut Piniarnermullu Naalakkersuisoqarfik (*oqaaseqaateqanngilaq*)
  - Aningaasaqarnermut Akileraartarnermullu Naalakkersuisoqarfik
  - Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik
  - Qeqqata Kommunian
  - Kommuneqarfik Sermersooq
  - Sulisitsisut (GE)
  - Mittarfeqarfiit
  - Grønlandsbanken A/S
  - Kalaallit Airports A/S



# Tusarniaanermi akissuteqaatit

## *Tamanut tunngasut*

- Tusarniaanermi akissuteqaatini Inatsisartut inatsisissaattut siunnersuummut tassungalu nassuiaatinut allannguutissanik siunnersuuteqartoqarpoq. Siunnersuutip inaarutaasumik ilusilerneqarnissaata suliarineqarnerani siunnersuutit suliamut ilanngunneqarput. Siunnersuutit ilaat ilanngunneqartut, allat ilanngunneqaratik.
- Tusarniaanermi akissuteqaatini Nuummi Ilulissanilu nunani tamalaani mittarfiit sananeqarnerini kiisalu Qaqortumi nunap immikkoortuani mittarfiup sananeqarnerani aningaasaqarneq pillugu apeqqusiisoqarpoq, kiisalu inuiaqatigiit aningaasaqarnerannut kingunerisassanik misissueqqissaarnermik ujartuisoqarluni.
- Nassuiaatini nalinginnaasuni imm. 3.1.2, aningaasaqarnermut kingunerisassanut tunngasoq, piffissami tusarniaaffiusumi Inuiaqatigiit aningaasaqarnerannut kingunerisassanik misissueqqissaarneq Alloriarneq 1-imi inerniliissutinik imaqarpoq.
- Tamatuma kingorna Inuiaqatigiit aningaasaqarnerannut kingunerisassanik misissueqqissaarneq Alloriarneq 2-mi inerniliissutit ilanngunneqarput.





# Tusarniaanermi akissuteqaatit

## *Kommuneqarfik Sermersooq*

- Kommuneqarfik Sermersuumiit suli Nuummi nunani tamalaani mittarfiliornissamut pilersaarutit isumalluarfigineqarput, tamannalu Assartuussineq pillugu Isumalioqatigiissitap inassuteqaataanut 2009-meersunut naapertuuppoq.
- Nuummi mittarfissap piviusunngortinneqarnissaa inuiaqatigiinnut tamarmiusunut annertuumik sunniuteqarluartussaavoq, taamaattumillu suliasaq Kommuneqarfik Sermersuumiit annertuumik tapersersorneqarpoq.
- Tamatuma saniatigut mittarfiit sanaartorneqarnerinut atatillugu kommunit attaveqaatinut aningasartuutissaat pillugit Naalakkersuisut kommuninik oqaloqateqalernissaannut Inatsisartut soqutiginninnerat Kommuneqarfik Sermersuumit akuersaarneqarpoq.
- Tusarniaanermi akissuteqaat inatsimmut oqaaseqaateqarnissamut inatsimmilluunniit allannguissamut tunngavissiiingilaq.

# Tusarniaanermi akissuteqaatit

## Qeqqata Kommunia



- Kommunip tusarniaanermi akissuteqaataa:
  - Kommuni mittarfinnut aningaasaliissutissanut tamarmiusunut tunngaviusut aningaasaqarnikkullu pisariissuseq pillugu apeqqutinik saqqummiussivoq.
  - Kommuni inuiaqatigiit aningaasaqarnerannut kingunerisassanik misissueqqissaartoqarnissaanik ujartuivoq.
  - Kommunimit erseqqissarneqarpoq, Assartuussineq pillugu Isumalioqatigiissitaq inerniliinermini mittarfiit angisuut pingasuunissaat naapertuunnersut oqaatiginngikkaa.
  - Qularnaveeqqussiinermi maannamut suleriaasiusut uniorneqartut kommunimit erseqqissaatigineqarpoq.
  - Mittarfiit inissisimanerat inissinneqanngitsoq kommunimit erseqqissaatigineqarpoq.
  - Kommuni ingerlatseqatigiiffiit arlaqarnerinut annertuumik isornartoqartitsivoq – nuna tamakkerlugu silaannakkut angallasseqatigiiffiup ataasiinnaanissaa inassutigaa.
  - Kommuni ingerlatseqatigiiffimmik allamik, Namminersorlutik Oqartussanit aamma Qeqqata Kommunianit, immaqalu namminersortut peqatigalugit pigineqartumik pilersitsisoqarnissaanik inassuteqarpoq.
  
- Akissut:
  - Tusarniaasoqareernerata kingorna inuiaqatigiit aningaasaqarnerannut kingunerisassanik misissueqqissaarneq, apeqqutigineqartunut eqqarsaateqarfiusoq suliarineqarpoq.
  - Aningaasaqarnermut Naalakkersuisoqarfiup qularnaveeqqussiinissaq naapertuuttutut naliliiffigaa.
  - Mittarfeqarfinni suliassanut pilersaarutit inatsisip matuma avataatigut allami suliarineqarput.
  - Erseqqissaatigineqassaaq, kommunip nammineerluni ingerlatseqatigiiffimmik allamik nutaamik pilersitsinissaq inassuteqaatigimmagu.
  - Tusarniaanermi akissuteqaat inatsimmut oqaaseqaateqarnissamut inatsimmilluunniit allannguissamut tunngavissiingilaq.



# Tusarniaanermi akissuteqaatit

## *Kommune Kujalleq*

- Tamanut ammasumik tusarniaaneq tunngavigalugu Kommune Kujallermit tusarniaanermi akissuteqaammik tigusaqartoqanngilaq.
- Kommune Kujalleq IIA2018-ip suliarineqarnissaa sioqutitsiarlugu inatsimmut itisiliiffiusumik apeqquteqaatinik nassiussivoq.
- Apeqqutit tamanut ammasumik tusarniaanerup aamma inatsisissatut siunnersuutip saqqummiunneqarnerata akornanni Qaqortup mittarfianut tunngatillugu allannguutininik annilaanganartoqartitsinermut tunngasuupput.
- Allannguutit § 1, imm. 2-mi aamma § 3, imm. 2-mi Qaqortumi mittarfiup suliarineqarnissaanut tunngasuupput.
- Kommuni Qaqortumi mittarfiup suliarineqarnissaa piviusunngortinngitsooriataarneqarsinnaanersoq pillugu ersarissumik paasissutissinneqarnissamik kissaateqarpoq.
- Ineqarnermut Attaveqaqatigiinnermullu Naalakkersuisoqarfik allakkatigut kommunimut akissuteqarpoq, Inatsisartut Naalakkersuisunut piginnaatitsissutaat allanngortinneqanngitsoq, aammalu Qaqortup mittarfissaata Inatsisartut UKA2015-imi imm. 18-imut aamma 167-imut aalajangiinerat naapertorlugu sananeqarnissaa allanngortinneqanngitsoq.

# Tusarniaanermi akissuteqaatit

## Grønlandsbanken A/S



- Aningaaseriviup tusarniaanermi akissuteqaataa:
  - Piginnittoqarnermut najoqqutassiaq akuersaarnartutut aningaaseriviup isumaqarfigaa.
  - Siunnersuummi killiliussassat, suliasap taama annertussuseqartup piviusunngortinneqarnissaanut pisariaqartinneqartut qulakkeerneqarput.
  - Taamaattumik killiliussassanut piumasaqaatit pillugit inatsit ataatsimut isigalugit soqutiginaateqarput.
  - Inuiaqatigiit aningaasaqarnerannut kingunerisassanik misissueqqissaartoqarnissaa ujartorneqarpoq.
  - Mittarfiliortiternissami anguniakkat pingaarnertit angallannerup ilusaanik, unammilleqatigiinnerulernermik, assartuussinermut aningaasartuutunik tamarmiusunik appartitsinissamik, aammalu bilitsit akiinik najukkani innuttaasunut, inuussutissarsiornermut takornariaqarnermillu ineriartortitsinermut iluaqutaasussamik appartitsinermik kinguneqarsinnaasunik pilersitsiviussasoq erseqqissaatigineqarpoq.
  - Isummertoqannginnerani aamma nunap karsiata malussajassusia, sanaartornerup allatut immikkoortulerneqarsinnaanera akinillu appaanissamut periarfissat, aningaasaqarnerup malussajassusianik naatsorsuinissaq aammalu Mittarfeqarfinni pissutsit paasiniarneqarnissaat naliliiffigineqartariaqarput.
- Akissut:
  - Tusarniaasoqareernerata kingorna inuiaqatigiit aningaasaqarnerannut kingunerisassanik misissueqqissaarneq, apeqqutigineqartunut eqqarsaateqarfiusoq suliarineqarpoq.
  - Tusarniaanermi akissuteqaat inatsimmut oqaaseqaateqarnissamut inatsimmilluunniit allannguissamut tunngavissiiingilaq.



# Tusarniaanermi akissuteqaatit

## *Sulisitsisut (GE)*

- GE-p tusarniaanermi akissuteqaataa:
  - GE-p kalaallit attaveqaataannik ineriartortitsineq isumalluarfigaa.
  - GE inuiaqatigiit aningaasaqarnerannut kingunerisassanik misissueqqissaarnissamik ujartuivoq.
  - GE Kangerlussuaq Narsarsuarlu, aammalu taakku MIT-mut isumaat pillugit isummernissamik ujartuivoq.
  
- Akissut:
  - Tusarniaasoqareernerata kingorna inuiaqatigiit aningaasaqarnerannut kingunerisassanik misissueqqissaarneq, apeqqtigineqartunut eqqarsaateqarfiusoq sularineqarpoq.
  - Mittarfeqarfinni suliassanut pilersaarutit inatsisip matuma avataatigut allami sularineqarput.
  - Tusarniaanermi akissuteqaat inatsimmut oqaaseqaateqarnissamut inatsimmilluunniit allannguinnissamut tunngavissiiingilaq.

# Tusarniaanermi akissuteqaatit

*Inuussutissarsiornermut, Suliffeqarnermut, Niuernermut  
Nukissiuuteqarnermullu Naalakkersuisoqarfik*



- Naalakkersuisoqarfiup tusarniaanermi akissuteqaataa:
  - Naalakkersuisoqarfik inatsisip oqaasertaanut nassuiaatitaanullu erseqqissaatissanik allannguutissanillu siunnersuuteqarpoq.
  - Naalakkersuisoqarfik allappoq, Inatsisartut inatsisissaattut siunnersuut akuerineqarpat, Kalaallit Airports A/S-ip malittarisassaani kingunerisassanut iluarsiinissaq qulakkeerneqartariaqartoq.
  
- Akissut:
  - Naalakkersuisoqarfiup siunnersuutaa Inatsisartut inatsisissaattut siunnersuutip nassuiaatitaasalu inaarutaasumik ilusilerneqarnissaanik sulianut ilanngunneqarpoq.
  - Tamatumani pingaartumik Kapitali 4 "Mittarfinnut neqerooruteqartitsineq kiisalu atorfinitsitsinermit tunngasut" (§§ 8, 9, 10, 11, 12 aamma 13), pineqarpoq, Naalakkersuisoqarfiit akunnerminni pilersitsiviulluartumik oqaloqatigiinnerisa kingunerisaanik aalajangersakkat nutaat arlallit ilanngunneqarlutik.
  - Siunnersuutip akuerineqarnerata kingorna Kalaallit Airports A/S-ip malittarisassai pisariaqartitsineq malillugu iluarsineqassapput.
  - Tusarniaanermi akissuteqaat neqerooruteqartitsisarnermut atorfeqarnermilu atugassarititaasunut kapitalimi arlalinnik allannguinermik kingunneqarpoq.

# Tusarniaanermi akissuteqaatit

## Mittarfeqarfiit



- Mittarfeqarfiit inatsisinut suliassanullu tunngasunik arlalinnik ukuningga apeqquusiipput:
  - Ilulissani, Kangerlussuarmi, Nuummi aamma Narsarsuarmi sulisut.
  - Suliassat mittarfinnut nutaanut nuunneqarnissaat.
  - Maanna Kangerlussuarmi sulisussarsiortarneq – siunissaq eqqarsaatigalugu.
  - Suliffeqarfiit imminnut ingerlattut inatsit malillugu suliassanut niuernermet tunngaveqartunut neqerooruteqarsinnaannginnerat.
  - Kalaallit Nunaanni aaqqissuussaannerit marluk assigiinnik siunertaqartut pillugit eqqarsaatersuutit.
  - Ilusiliussami nutaami mittarfinnut amigartooruteqarfiusunut aningaasalersuinissaq.
  
- Akissutit:
  - Mittarfeqarfiit mittarfiit nutaat atulernissaasa tungaanut ingerlatsineq isumagiinnassavaat.
  - Akuersissummut isumannaallisaanermullu tunngasut silaannakkut angallassinermut oqartussaasunut paasiniarneqarput.
  - Kalaallit Airports A/S Nuummi Ilulissanilu atortunik Mittarfeqarfinniit pisisinnaapput.
  - Kalaallit Airports A/S aamma Mittarfeqarfiit aallarniutitut aningaasaliissutissanut piffissat suleriaasissallu, ingerlatsineq, akisussaaffiit sulisullu pillugit maanna oqaloqatigiipput.
  - Mittarfeqarfinni suliassanut pilersaarutit inatsisip matuma avataatigut allami suliarineqarput.
  - Mittarfeqarfiit tusarniaanermi akissuteqaammi saqqummiussaa sulianik ingerlasunik ingerlaavartumik misissuinissaq paasiniaanissarlu siunertaralugit Mittarfeqarfinnut ingerlaavartumik oqaloqatigiissutigineqareerpoq.
  - Tusarniaanermi akissuteqaat inatsimmut allannguissamut tunngavissiiingilaq.



# Tusarniaanermi akissuteqaatit

## *Kalaallit Airports A/S*

- KAIR-ip tusarniaanermi akissuteqaataa:
  - Kalaallit Airports A/S ingerlatseqatigiiffiup aaqqissuussaananut, suliaanut, akinut tunngaviinut, aningaasalersuinermit neqerooruteqartitsinermullu, kiisalu sanaartugassat annertussusissaannut sivirusissusissaannullu tunngatillugu erseqqissaatissanik allannguutissanillu arlalinnik siunnersuuteqarpoq.
  - Siunnersuutini Nuummi Ilulissanilu nunani tamalaani mittarfinnik aamma Qaqortumi nunap immikkoortuani mittarfimmik sanaartornissamat, ingerlatsinissamat aningaasalersuinissamullu paatsugassaangitsunik ersarissunillu killiliinissaq siunnerfigineqarpoq.
  
- Akissut:
  - Naalakkersuisoqarfiup aamma Kalaallit Airports A/S-ip ataatsimeeqatigiinnerminni ingerlatseqatigiiffiup siunnersuutai oqallisigaat. Siunnersuutit tamatumalu kingorna oqallinnerni saqqummiunneqartut inatsisissatut siunnersuutip inaarutaasumik ilusilerneqarnissaanut sulianut ilanngunneqarput.
  - §§-it allanngortinneqartut tassapput: 1, 2, 3, 6, 8 aamma 10. Kingusinnerusukkut § 10-p imaa § 15-imut nuunneqarpoq.
  - Allannguutit ilanngunneqartut tassaapput:
  - Ingerlatseqatigiiffimmut ilusiliussassat aamma Qaqortumut tunngatillugu eqaatsumik aaqqiinissaq.
  - Illuliortiternermi sanaartormilu sulisunik nunanit allaneersunik, nunani tamalaani unammillersinnaasunik akissarsiaqartinneqartunik atuinissaq.
  - KAIR-ip niuerfiinik erseqqissaaneq – tassunga ingerlatsinermi akit akiliisarnerillu ilanngullugit.
  - Aallarniutitut akiliuteqarnermi nuna mingutsinneqarsimasoq pissutsillu allat.
  - Attaveqaatit malittaasussat paasiniarneqarnerat.





# Qujanaq!







Aammattaq suleqatigiissitaliaqarsimavoq Kangerlussuarmi Mittarfiup siunissaanut periarfissatut ilusilianik arlalinnik misissuisumik. Suliaqarneq taanna Kangerlussuup siunissaanut periarfissatut ilusiliat 5-it pillugit nalunaarusiap nassiunneqarneranut atatillugu nassuiarneqarpoq.

Kommune Kujallerimi suleqatigiissitaliaq septembarimi ataatsimiissasoq naatsorsuutigineqarpoq, Narsarsuarmi Mittarfiup siunissaanut periarfissatut ilusiliat pingasut misissoq qissaarneqarnerat oqallisiginiarlugu. Nalunaarusiaq taanna suli naammassineqanngilaq, kisianni taamatuttaaq taanna inaarutaasumik iluseqalerpat, ataatsimiititaliamut nassiunneqassalluni.

### **Apeqput 9: Nutaamik ilusiliineq qanoq Air Greenland-imut kinguneqassava?**

*Akissut:* Air Greenland suliffeqarfiuvoq tapiiffiqineqanngitsumik ingerlatsisoq, mittarfiit nutaamik ilusiligaaneranni, ingerlatassani tamarmiusut naleqqussartassagai ilimagineqarluni, taamaalilluni niuerfimmu pisariaqartitsineq pitsaanerpaamik naaperiarneqassalluni. Air Greenland taamatuttaaq, mittarfinni attaveqatigiinnerup nutaap malitsigisaanik unammilleqatigiinnerulersinnaaneq sillimaffiginiarlugu, ingerlatsinikkut eqqarsaatigisassat aallaavigalugit tunisassiaminnik, akigititaminnik kiffartuussinerminnillu naleqqussaassasoq ilimagineqarpoq.

### **Apeqput 10: Nutaamik ilusiliineq kiffartuunneqarnissamut isumaqatigiissutinut qanoq kinguneqassava?**

*Akissut:* Kujataani nutaamik ilusiliinerup kingunerisaanik kiffartuunneqarnissamut isumaqatigiissutip ataani angallanermik suliaqarnerup 50 %-ata missaa atorunnaassaaq. Tassani pineqarpoq Qaqortup aamma Narsarsuup akornanni angalavik angallaffiusorujussuaq, Qaqortumi Mittarfiup atorneqalernerani annertunerpaatigut ingerlanneqarunnaartussa. Siunissami kiffartuunneqarnissamut isumaqatigiissutinut isumaqatigiissuteqarnermi tamanna soorunami aaqqiissutissani toqqarneqartuni aningaasaqarnermilu tassunga tunngasumi, takuneqarsinnaassaaq.

Inussiarnersumik inuulluaqqusillunga

  
Simon Simonsen